

सानसेयारि "बड'सा" खीरालाइयाव समाज्यादि जिउजो लोखा थावाय रायथाय, खन्थाय, अल, अल'बाथा आरु दावबायारि थावनि, पार्क बाइदिनि सायाव लिख्नाय लिख्बिदां दैथाय हर/सानसेयारि "बड'सा" खीरालाइया खेबखानावै फोखावगेव।

बड'सायाव लिख्हरनायनि हुबा खालाम, "बड'सा" खीर नोथां, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com



BODOSA ★ A Bodo News Daily ★ Saturday ★ 25 September, 2021 Kokrajhar, BTC, Assam ★ Vol.- 31, Issue No. 180 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

उदालगुरिआव गोदानै लुफुंनाय पिडब्लिउडि एक्जिकुटिभ इन्जिनियर मावखुलिनि बिल्डिं बेखेवदों

उदालगुरि, 24 सेप्टेम्बर: थानाय 2018-19 रांखान्थि बोसोरनि समाव बिपिएफ दैदेनाय बिटिसि खुंथायनि समाव एसअपिडि फान्डनि आवथायाव 3,77,82,446 लाख रांजो गोदानै लुफुंनाय एक्जिकुटिभ इन्जिनियर, पिडब्लिउडि रडनि मावखुलि बिल्डिंखो दिनें 24 सेप्टेम्बर, 2021 अक्खालि बेखेवबाय। बिटिआरनि गाहाय मावफुं सोद्रोमा प्रमद बर'आ लेडाइ गाहाय मावफुं सोद्रोमा गबिन्द चन्द्र बसुमतारि, मावफुं सोद्रोमा



डि निलुतु स्वर्गियारि, बिटिसिनि सेक्रेटारि अमरज्यति बर्मन, बिटिसि पिडब्लिउडि बिफाननि

बिथोनगिरि आरु बिफाननि गोबां मावखु'गिरिफोरनि नुजाथिनायाव बेखेवनानै होयो

बे गोदान मावखुलिखो। थामथि तालानि बे बिल्डिनि ग्राउन्ड फ्लुरआव केन्टिन आरु

सावरायग्रा खथा दडा बेबादिनो खथा आरु नैथि प्लुरआव मोन सेथि प्लुरआव गासै मोन 8 (□ 5 बिलाइआव)

होखारखानाय हाबाफारिआ गोनांथार, सरकारआ हा गैजायफोरनो 2 एकड़ हा हगारनो गनायथि होबाय: गिबि मन्थि



गुवाहाटी, 24 सेप्टेम्बर: रडज्यो सरकारनि बिथोन बादिदै दरं जिल्ला खुंथाय आरु पुलिस खुंथाया सिपाझार रेभेनिउ साके'लनि सिडाव थानाय गारुकुति ओन्सोलाव सरकारनि हायाव दखल खालामनानै थानायफोरखो होखारखानाय आयदाखो लानानै गिबि मन्थि

हिमन्त बिश्व शर्माया खुगा (□ 5 बिलाइआव)

गिबि मन्थि ड० शर्माया आसामआव रेलवे सेक्टरखो फोजौखानायनि सायाव मिरु मन्थिजो सावरायदों

गुवाहाटी, 24 सेप्टेम्बर: आसामनि गिबि मन्थि ड० हिमन्त बिश्व शर्माया दिनें मिरुनि रेलवे आरु टेक्सटाइल बिफाननि राइज्योयारि मिरु मन्थि दर्शना बिक्रम जादेशजो माखासे गोनांथार आयदाफोरनि सायाव गुवाँ सावरायलायदों। बे मेलाल गिबि मन्थि शर्माया मिरुनि मन्थिनो राइज्योआव रेलवे ट्रेकनि सायाव प्लाइअभार लुफुंनोगीनि गोनांथि, मोननै रेल लाइन लुफुंनाय आरु रेलवे



इलेक्ट्रिकेसननि थासारिनि सायाव गुवाँ फोरमायथिनानै होयो। बेजो लोमोसेनो गिबि मन्थिआ मैदर रेखाथिनि थाखाय दिपरखील ओन्सोलाव मोनसे (□ 5 बिलाइआव)

गोदानै दाजानाय इउएलबि आफादनि हेंथायै पुलिसनि गोखो नोजोर दासिम सा 10 सुबुंफोरखो हमनो हाबाय



कक्राझार, 24 सेप्टेम्बर: थानाय 15 सेप्टेम्बरखालि इउनाइटेड लिबारेसन फर

बर'लेण्ड (इउएलबि) मुनि मोनसे बिग्रायारि आफाद दानायखो ससेल मिडिया आरु

खोरं बिजोनि गेजेरजो उदाडे मिथिनो आरु नुनो मोन्यायनि उनाव राइज्यो पुलिस बिफानआ बिटिआर हालामआव गोदानै दाजानाय बे इउएलबि बिग्रायारि आफादनि हेंथायै गोखोडे नोजोर लाखिबाय थारो। बेबादिनो पुलिस बिफानआ सं दानाय आरु नायबिजिरनायनि गेजेरजो इउएलबिजो लोखा थानाय सा 10 सुबुंफोरखो दासिम पुलिसआ खानो हानायखो खोरं (□ 5 बिलाइआव)

चिवाडाव अक्कादि बिथांखिफोर मावफुंनायनि सायाव डिशानि नायभं मेल



कक्राझार, 24 सेप्टेम्बर: कक्राझार लकसभा बिवाबनि एमपि नव कुमार शरनिनायि मासि सामलायनानै दैदेनायाव दिनें काजलागावआव थानाय

जिल्ला मिरुनि सावराय नब्लाडाव चिरां जिल्लानि डिस्ट्रिक्ट डेभेलपमेन्ट क-अर्डिनेसन एन्ड मनिटरि कमिटी (डिशा) नि मोनसे सावराय मेल

जानानै थाडे। सिदली बिवाबनि एमएलए जयन्त बसुमतारि, एमएलए अजय कुमार राय, बिटिसिनि लेडाइ बुंथिगिरि अबिराम महानायक, चिरां जिल्ला बेगिरि नरेन्द्र कुमार शाह, एमएसिएलएफोर प्रभात बसुमतारि, साइखं बसुमतारि, उफ्रा जिल्ला बेगिरिफोर खनिन्द्र दास, अजित कुमार शर्मा, एमपि आब्दुल खालेखमोननि नुजाथिनायाव दिनें बे नायसं मेलआव जिल्लानि गुबुन गुबुन बिफानफोरनि गाहाय (□ 5 बिलाइआव)

दुलाराय बिटिसि फिक्स-पे साखि आवला आफाद दाबाय

कक्राझार, 24 सेप्टेम्बर: बिटिसिनि गासै जिल्लाफोरव गुबुन गुबुन बिफानफोरव गोबाव समनिफ्रायनो फिक्स पे महरै खामानि मावबोनाय गासै साखि आवलाफोरखो लानानै थानाय 8-09-2021 अक्खालि कक्राझारनि बेसिक ट्रेनि सेन्टरआव मोनसे मेल

जथुमनायनि गेजेरजो अल बिटिसि फिक्स-पे इमप्लयी एस'सिएसन मुनि आफाद दानानै लानाय जायो। गाम्बारि ब्रह्मखो आफादनि आफादगिरि आरु बिदन नार्जाखिखो नेहाथारि महरै सायख'नानै गासै सा 14 सोद्रोमाफोरखो लानानै बे (□ 5 बिलाइआव)

आबोफआ जोसोर आरु जनकखो जिउ फोजोबनायनि सायाव नायबिजिरनागौनि दाबिजो गिबि मन्थिनिमिम गोसोखां बिलाइ दैथायहरदों



कक्राझार, 24 सेप्टेम्बर: कक्राझार जिल्लानि सिडाव थानाय लुंसुं हाग्रा ओन्सोलाव इउएलबिनि सोद्रोमा साजायनानै जोसोर मोसाहारि आरु जनक कुमार ब्रह्मखो पुलिसआ नंखाय एन्काउन्टर खालामनानै जिउ फोजोबनाय जाथायनि सायाव

थार बिजिरनायखो आखाइयाव लानांगौनि दाबिजो दुलाराय बर' आइजो अन्साय आफाद(आबोफ) आ दिनें कक्राझार जिल्ला बेगिरिनि गेजेरजो आसामनि गिबि मन्थि ड० हिमन्त बिश्व शर्मानिमिम (□ 5 बिलाइआव)



फुटबल अन्सायगिरिफोरनि धारवाय गोजोन्याव खोरं सा-सान्जा राइज्योफोरनि दैथि फारिलाइ काउन्सिलनि फुटबल टुर्नामेन्ट खुंनो साखा-फार



कक्राझार, 24 सेप्टेम्बर: हालामआव फुटबल गेलेमुखो जौगाखांहोनो आरु फुटबल गेलेनायाव लाइमोनफोरखो थुलुंगाखां होनायनि गुबै थांखिजो

बिटिआर सरकारआ गिबि खेबनि थाखाय सा-सान्जा राइज्योफोरनि गासै 6 थि फारिलाइ काउन्सिलनि गेजेरव मोनसे फुटबल बादायलायनाय

खुंफुनो थाखाय साखा-फारा जादों। बिटिआर सरकारआ फेगो बोसोर 2022 माइथायनि जानुवारि दाननि गिबि सप्ताहआव बे टुर्नामेन्टखो खुंफुनो थाखाय थांखि लानाय जादों। मख'नाय जायोदि, बिटिसिनि गेलेमु आरु लाइमोन अन्साय बिफाननि गासै जिल्लानि जिल्ला गेलेमु मावख'गिरि, महकुमा गेलेमु बिफाननि माखासे गागि (□ 5 बिलाइआव)

दरं जिल्लानि जाथायनि हेंथायै बिटिआरनाडे एविमसुआ हेंथा सोमावसारदों

कक्राझार, 24 सेप्टेम्बर: थानाय बृहस्पतिवारखालि दरं जिल्लानि सिपाझारआव सोमजिनाय हिंसायारि जाथायव पुलिसनि गुलिजो सानै सुबुडा जिउ गोमानाय जाथायखो लानानै दिनें दुलाराय आसामजो लोमोसे बिटिआरनि दरं जिल्ला फारियै कक्राझार, चिरां, उदालगुरि आरु बाक्सा जिल्लानि दाब-दाब (□ 5 बिलाइआव)



आसाम गोहो जगायथि कम्पनी लिमिटेड
ग्राहकफोरजो आबुडे फोथायथि जानाय कम्पनी

गोबांद्राय होनो गोनां मासुलनि रेहायनि बिथांखि

मोब्लिब बिलनि हेंथायै गोबांद्राय होनो गोनां मासुलनि 100% रेहायनि थाखाय सनानि खाबु!

आसाम गोहो जगायथि कम्पनी लिमिटेड (एपिडिसिएल)आ ग्राहकफोरनि गोबांद्राय होनो गोनां मासुलनि 100% रेहायजो होजोबनाय आरु मोब्लिब फोनांजाबखो लाखिफिनायनि थाखाय ग्राहकफोरनो सनानि खाबु होदों।

बे बिथांखिया गनायथाव जागोन

- केस-I: जायगायारि: ए टिडिसि आरु पिडिसि ग्राहकफोर बादिनो 30-06-2021 सिमआव 3 आरु बेनि बांसिन दानफोरनि मासुल होनो गोनां ग्राहकफोरनि थाखाय।
- केस-II गुबुन एलटि आरु एइसटि (जायगायारि-एनि अनगायै) जायफोर 30-06-2021 सिमआव 3 एवा बेनि बांसिन दानफोरनि थाखाय टिडिसिनि सिडाव दड आरु बेजो लोमोसे पिडिसि ग्राहकफोरनि थाखाय।

मासुल होनायनि राहा


राहा-I: खेबसेये होनाय (गासै होनो गोनां मासुलनि 100% रेहाय):

- गोबांद्राय होनो गोनां मासुल (100%) नि गासै बेसेनखो बे बिथांखिनि थिखानाय समनि गेजेरव 100% बीमा बेसेननि मासुलखो खेबसेये रेहाय होनाय जागोन।
- राहा-II: खिस्थि हिसाबै होनाय (गासै होनो गोनां मासुलनि 80% रेहाय)
- गोबांद्राय होनो गोनां मासुलनि गनायथिजो गासै थुबिल बेसेननि खमैबो 50% मासुलखो खेबसेये आरु आद्रा थानाय मासुलखो बांसिनै खेबबा दानयारि खिस्थिआव होनाय।
- खिस्थि होनाय राहाया 2,500 रांसिम होनो गोनां मासुल थानाय; जायगायारि-ए ग्राहकफोरनि 5000 रांसिम आरु गुबुन केटेगारिआव 10000 रांसिम होनो गोनां गासै मासुल थानाय ग्राहकफोर जीवन धारा ग्राहकफोरनि थाखाय गनायथाव जानाय नडा।

आसाम गोहो जगायग्रा कम्पनी लिमिटेड

बिथांखिनि सम सिमना
8 जुलाइ, 2021
निफ्राय
30 सेप्टेम्बर, 2021 सिम

* आर'ज गानायायनि नेमखाथि
* आर'ज बिलाइखो गावबा-गावनि बिल होग्रा मावखुलिनिफ्राय लानो हागोन एवा www.apdcl.org निफ्राय डाउनलड खालामनो हागोन।
रोखायै मिथिनो थाखाय बिल होग्रा मावखुलिआव जगाजग खालाम



सुजुगिरिनि खोलोम

गोलैयावनो गोगो आखु दानायनि सम

आग्ला, गोदो गोदायनि होनाय फैलिया, संसारनि खैरोम दैरोम थासारियाव थावरिबोनाय साफ्रोम सुबुंफोरनि गोर्बोआवनो दंसै आधिखाल मुगानि रोग्थि आरो मोन्दांथिया। गिदिर-उन्दै मान सनमाननि बिथिडाव फारागथि लाखिनो आवबा आवबा थालानाय समाजआव नाथाय धोनि गोरिब, जाम्बा दुखि रोंनाय रोडैनि गिदिर उन्दैनि फारागथि लाबोनाया जेरै बांबोदों गुबुन बिथिडे समाजआरि गात्रि हुदाफ्राबो बांबोदो लादों। गावजों गावनि अनज्जायनायाबो सानफा एफा सुजुग सुबिधाखौ बिथा खालामानाँ सोलिनो लानाय एंगारनो हायै सैथोथिनि महर लादों। जाउनाव समाजआरि जिउ खुंनय लामायाव मोन्दस'हायै खहा लाबोदों।

सुबुं समाजआव लाइमोन बैसोनि इयुन दाफुंनयानो जिउनि गोमो गोथां जाइखलं सिमांजों रन्साय जानाय। लाइमोन बुब्बियानो गावखौ सासे गोगो गेवलांसार ओंथि गोनां नोगोरारि दाना लानायनि थि सम। समाव बे खाबुखौ एरैनो हगारद्लाहरोब्ला गोमो गोथां इयुन जिउआ हांमा हांसायाव गफाबानाँ उन दाहायाव गोजावलांनगोन। नाथाय दुखुनि बाश्चादि मोनथिखानाँब्लाबो खाइफा लाइमोन जिउखौ थोखि गैयै खालामानाँ लानायाव जिउनि लामाया खोमसि जालानायजों लोगोसे समाजनि बारहावाखौबो गुबुंले खालामानो लादों।

आधिखालाव लाइमोन समाजनि गोबां सोद्रोमाफ्रानो बिथिनि निसा गोनां ड्रागस बाहायनाया न'खर आरो न'खरनि सुबुंफोरखौ आन्दोआव दोन्नाँ लोखोमानाय हुदाफ्रा गावजों लोगोसे समाजखौ सिलिंखार खालामानाँ जुब्रा खालामो। बिषो गोनां ड्रागस लानायजों लोगोसे बाइदिसिना जाथाय बिजाथायजों गिखंथाव महर बेरामनि मैहुर जानानायबो आधिखाल नोजोर गोलैयो।

गुबुन फारसे लाइमोन समनि गुबै हाबानिफ्राय दोरोदनाँ आलादिडा जिउ खुंनयनि लामा होसोनायाव सोलौंथाय बिथिडावबो ओन्सोल लायै ओन्सोल सोलौंथायनि थासारिया गुनजेर अरनायनि लामा लायो। जाउनाव मान होनाय, अनज्जायनाय, अनसायनाय, गोगो थासारि गासै बिथिडावनो आंखालथि नुजानो लादों।

बेफोर गासै जेनानि आंखालथि फोलोमनो समाजआनो थोजासे नडा। दा आरो इयुनखौ गोगोयै दाफुंनो गासै थाखोनि सुबुं, आफाद, गौथुम आरो बाइदिसिना फसंथानफ्रानो बेनि सायाव गिलिद बिबान रुजुनगोनो ह।

दिनेनि फानजामुधि

राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)

मेष: देहाया मोजाडै नो थागोन। जेखि मावा गोजोनायखौ मोनो हागोन। मोजां सान।

बृष: मायावबा बदनाम मोनफानो हागौ। जेखि जाया सांग्राडै थानांगोन।

मिथुन: गोसोआ दिदोम जागोन। गोजोने समखौ बारहोनो हागोन। मोजां सम।

कर्कट: सान्नाय आशा डडबा जाफुंगोन। गोसोखौ रंजाखानाय मोनगोन। मोजां सान।

सिंह: थाखानाय मुवा बेसादफ्रा जामलांगोन। गोसो हमथानाँ सोलिनगोन।

कन्या: सान्नाय-हनाया फैमाल थांगोन। गोसोखौ गात्रि मोनखानो। गोसो हमथा।

तुला: मोजां रोग्थि जानो हानायनि थाखाय मान मोनो हागोन। गोजोन्नाय मोनगोन।

बृश्चिक: मानिबा बहग होनांगौ डडबा होनो हागोन। बे रशनि थाखाय गहाम सान। गोजोन्नाय मोनगोन।

धनु: नख 'रव मानिबा जिंगा सिनांनो हागौ। जेखियानो जाया गोसो हमथानाँ थानांगोन।

मकर: माबा मोनसे खामानि मावनायनि बिबान मोनो हागौ। गोजोन्नाय मोनगोन। मोजां सम।

कुम्भ: मोजां गियानि जानो हानायनि थाखाय सन्मान मोनो हागोन। फाफ्रोमथिबो मोजां।

मीन: गोसोनि खोथाखौ गोसोआवनो दोन्नांगोन। गुबुननि सिगाडव फोरमायनो हायै जागोन।

भारतआव करनानि केसआ गासै 188 सानफोराव बयनिखुइबो खम जादों

गोदान दिल्ली, 24 सेप्टेम्बर : हादतआव करनानि 3 थि दोहौनि खौरनि गेजेरव रेहाय मोनायनि खौराड सोराडव फैदों। हादतनाडै भेक्सिन थुनाय अभियाननि गेजेरजों दासिमाव गासै 84.11 कौटि सुबुंफोरखौ भेक्सिन थुनाय जाखांबाय। आधिखालनि थासारिनि बाश्चाखौ बुडोब्ला हादतआव सांग्रांथि के सआ गासै 1 जौखोन्दोनिफ्राय दावखलायनानै गासै 0.89 जौखोन्दो जाखांबाय। मार्च 2020 नि उननिफ्राय इनफेक्सना बयनिखुइबो खम अन्जिमा जादों। हादतआव रिक्भारि रेटआवबो गासै 97.78 जौखोन्दो जादों। फुंनि 8 रिगाया आपडेट खालामनाय गोदान अन्जिमानि बायदिव्ला गासै 318 बेरामिफोरा थैनायजों लोगोसे थैनो गोनांफोरनि अन्जिमाया बांनानै गासै 4,46,368 जादों। थानाय 24 घन्टायवा हादतआव करनानि गासै 31,382 गोदान केसखौ




थिसन्दों। जेराव गासै 32,542 सुबुंफोरा करनानिफ्राय मोजां जानानै गाव गावनि न'आव थांफिनबाय। मावख'आ बुंदोंदि, सांग्रांथि केसफोराव आरो इनफेक्सन जानायनि 0.89 जौखोन्दो दड, जाय मार्च 2020 नि उनाव बयनिखुइबो खम जादों। जेराव हादतआव करनानि रिक्भारि बिबांखौ गासै 97,78 जौखोन्दो थिसनाय जादों, जाय मार्च 2020 नि उननिफ्राय बयनिखुइबो बांसिन जादों। फासैथिं करनानि एक्ठिभ

बेरामिफोरनि बायदिव्ला, हादतआव आधिखालाव गासै 3,00,162 सांग्रांथि केस दड। हादतआव करनानिफ्राय मोजां जानाय बेरामिफोरनि गासै अन्जिमाया 3,28,48,273 जाखांबाय। थानाय बोसोरनि मार्च दाननि रुजुनायाव करना रिक्भारि रेटआ गासै 97.78 जौखोन्दो जों लोगोसे गोजौ थाखोआव थादों हादतआव करना टेस्टनि गासै अन्जिमाया 55,59 कौटि दड। फासैथिं सप्ताहयारि पजिटिभिदि रेटआ थानाय 91 सानफोराव गासै 3 जौखोन्दो दावखलायनानै 2.07 जौखोन्दो थिसनजादों। जेराव सानफ्रोमबनि पजिटिभिदि रेटआ

थानाय 25 सानफोराव गासै 3 जौखोन्दो दावखलायनानै 2 जौखोन्दो थिसन जादों। फासैथिं ब्राजिलआव थानाय 24 घन्टानि समाव करना इनफेक्सननि गासै 24,611 गोदान के सआ सोराडाव फैदों, जायजों इनफेक्सन जानायनि अन्जिमाया बांनानै गासै 2 कौटि 13 लाख 8 रोजा 178 जादों। गहाम देहा मावख'आ बे खौरांको होदों। मावख'नि बायदिव्ला थैनायफोरनि अन्जिमाया गासै 648 बांनानै 5,92,964 जादों। इनफेक्सननि जागायजेन्नायनि उननिफ्राय दासिमाव 2 कौटि 3 लाखनिफ्राय बांसिन बेरामिफोरा मोजां जाखांबाय।

माहारियारि सिबिथाय यजना बान्थाखौ रान्नाय जाबाय



गोदान दिल्ली, 24 सेप्टेम्बर: माहारियारि सिबिथाय यजना बान्थाखौ दिने गथायबाय। बे जर'खा खाबुआव हादतगिरि रामनाथ कबिन्दआ भिडिअ कलिंनि गेजेरजों हादतगिरि भवननिफ्राय 2019-20 नि थाखाय माहारियारि सिबिथाय यजना बान्थाखौ गथायो। लाइमोन केस आरो गेलेमु मन्थि अनुरग ठाकुर आरो राइज्यो मन्थि निरिस्थ प्रमाणिकआ गोदान दिल्लीथाव सुपमा स्वरज भवनआव खुंफुंनय फोर्बोआव बाहागो लायो। बे समाव हादतगिरिया गावनि बिबुंथियाव बुडोदि, एन एस एसनि थांखिया महात्मा गान्धीनि सान्थौफोरजों थुलुगाखानाय। मोनसे समाज जाय आइजोफोरखौ बिसोरनि गोसो जानाय आरो गोहो बादिथै जिउनि मोनफ्रोमबो बिथिडाव खाबु जगायना होयो आरो जायखौ मोनसे जौगाखां समाज बुंनय जायो। बे हाबाफारियाव बाहागो लानाय अनुरग ठाकुरआ बुडोदि, बान्था मोनो हानायफोरनि थाम बाहागोनि से बाहागोआ आइजोफोर। जाय आइजोफोरा हादत दानायाव मख 'जाथाव एबा एंगारथावै बिफाव लायो।

दरंनि गुलि गावनाय जाथायखौ नायबिजिरनो बिथोन होबाय : सरकार

दिसपुर, 24 सेप्टेम्बर : आसाम सरकार दरं जिल्लायाव दखल खालामनायनि हेंथा अभियानआव दालपुरआव जानाय गुलि गावलायनाय जाथायखौ आयैनारि नायबिजिरनो बिथोन होदों। बे जाथायाव सानै सुबुंफोरनि जिउ गोमादोंमोन आरो माखासे पुलिस मावसुमाफोर जोखोम जादोंमोन। मावख'आरि बिथोनमानि बादिब्ला, बेखौ गुवाहाटी हाइ कर्टनि सासे आजिर मोनाय बिजिरगिरिनि दैदेनायाव बिजिरनाय जागोन। बिथोनगिरिफोर बुंदोंदि, आसाम सरकार दरं जिल्लानि सिपाझार रेभेनिउ सार्केलनि दालपुर ओन्सोलआव जानाय गुलि गावनाय जाथायाव सानै



नोगोरिफोरा थैनाय आरो पुलिस मावसुमाफोरजों लोगोसे गुबुन सरासन्ता सुबुंनि जोखोम जानाय थासारिखौ नायबिजिरनो थांखि लादों। दरंनि एसपि सुशान्त बिश्व शर्माया बुंदोंदि, बे जाथाय जानाय समाव थानाय सुबुंफोरा सिगां अन्थाय खुबैनाँ पुलिसफोरनि सायाव गाग्लोबदों। बेयाव सा 9

गाहाय मन्थिआ जापान आरो अस्ट्रेलियानि गाहाय मन्थिफोरजों जर'खा सावरायदों

गोदान दिल्ली, 24 सेप्टेम्बर: गाहाय मन्थि नरेन्द्र मदिआ सान 3 नि हाबाफारिजों आमेरिकायाव दावबायहैदों। बे समाव बिथाड जापाननि गाहाय मन्थि यशी हिदेसुगा आरो अस्ट्रेलियानि गाहाय मन्थिजोंबो लोगो हमदों। बेफोरनि सोमोन्दै गाहाय मन्थि मदिआ गावनि मोन्दांथिखौ शरेश लमिडियाआव शेयार खालामदों। जापानखौ मदिआ भारतनि बयनिखुइबो म ख ' ज । थ । व । स । न हेफाजावआरिफोरनि सासे होन्ना फोरमायदोंब्ला फारसेथिं अस्ट्रेलियाजों फालांगि, इनार्जी आरो गुबुन फारसेथिंबो हेफाजाव होलायनायखौ गोखोंसिन खालामनायनि सायाव गुवाँरे सावरायलायदों होन्ना फोरमायदों। गाहाय मन्थिआ जापाननि गाहाय मन्थि यशीहिदे सुगाजों वाशिंगटनआव मोनसे जथुम्मा खुंदों जेराव फालांगि



आरो हारिमुवारि सोमोन्दोफोरखौ आरोबाव साबसिन खालामनायजों लोगोसे गुबुन आयदाफोरनि सायावबो सावरायलायदों होन्ना फोरमायदों। फारसेथिं अस्ट्रेलियानि गाहाय मन्थि स्कर मरिसनआबो गाहाय मन्थि मदिजों गावनि लोगो हमनायनि सोमोन्दै बुंदोंदि, आमेरिकायाव दावबायफेनाय समाव भारतनि

बाडयै नुजाथिनाय एमपिफोरा संसदारि समितिनि बाइजोआव थानो हागौ

गोदान दिल्ली, 24 सेप्टेम्बर : संसदनि अरायथा समितिफोरनि बे दानाव जानो गोनां गोदानै आबाद दाफिन्नायनि थाखाय लेडाइ हादतगिरि भेंकैया नायडुआ गासैबो दोलोफोरनो लाइजाम लिरहरनानै एमपिफोरनि फारिलाइ सांग्रांथि आरो नुजाथिनायफोरखौ नोजोर होनानै एमपिफोरनि मुंखौ फारिलाइ बानायनो खावलायदों। बेनि सोमोन्दै थानाय से बोसोरनि गुबुन गुबुन संसदारि समितिफोरनि नुजाथिनाय आरो एमपिफोरनि सांग्रांथि हाबाफारि मावनायनि अन्जिमाखौबो फोसावना होदों। गोदान नेमखान्थिजों सदन आरो समितिफोरनि जथुमाफोराव बाडयै नुजाथिनाय एमपिफोरा समितिफोराव बाहागो लानो मोनाबो जानो हागौ। गुबुन गुबुन संसदयारि समितिफोरनि सोद्रोमा राइज्यो सभानि सा 243 एमपिफोरनि सा 16 एमपिफोर दड जायनि नुजाथिनाय हारआ 100 जौखोन्दो बिसोरनि गेजेरव बिजेपनि सा 10, कंग्रेसनि सा 3 आरो सपा, द्रमुक आरो टिआरएसनि सा 1-1 एमपिफोर दड। संसदनि गुबुन गुबुन बिफानजों सोमोन्दो गोनां अरायथा समितिफोरखौ गोदानै दाफिन्नाय सेप्टेम्बर दानाव जायो आरो बेयाव सदननि सिडव गावनि अन्जिमा बादिब्ला, मोनफ्रोमबो दोलोआ मोनसे थि अन्जिमायाव गावनि एमपिफोरनि मुंखौ थिसन्यायनि खाबु मोनो। राइज्यो सभानि थानाय से बोसोराव 2020 नि सेप्टेम्बरनिफ्राय 2021 नि आगस्टसिमनि गुबुन गुबुन संसदारि समितिफोरनि अन्जिमानि बादिब्ला अजदनि 24 बिफानजों सोमोन्दो थानाय अरायथा संसदारि समितिफोराव राइज्यो सभानि गासै सा 243 एमपि सोद्रोमाफोर दड। बेयाव 36 दोलोफोरजों लोगोसे उदां आरो सायख'जानाय थाखोनि बै एमपिफोरा मोन 361 जथुमाफोराव बाहागो लादों। भेंकैया नायडुआ 3 बोसोरनिफ्राय बे संसदारि समितिफोरनि सायाव गोखों नोजोर लाखिदों। बिथाड गासैबो एमपिफोरनि आफादगिरिफोरखौ बुंदोंमोनदि, समितिनि मोनफ्रोमबो जथुम्मायाव खमैबो 50 जौखोन्दो सोद्रोमाफोरनि नुजाथिनाय आरो नै खावसे घन्टासिम जथुमायाव बाहागो लानायखौ रोखा खालामनांगोन।

अशक गहलतनो केप्टेन अमरिन्दर सिंआ गोखों फिनजाथाय होदों

चन्डीगड, 24 सेप्टेम्बर : राजस्थाननि गिबि मन्थि गहलतनि सुबुरुन होनायाव केप्टेन अमरिन्दर सिंआ बिखौ गावनि राइज्योनि सिमायाव थानो बोसोन होदों। अदेबानि अशक गहलतआ बुंदोंमोनदि, आं आसा खालामोदि केप्टेन अमरिन्दर सिंआ बेबादि जेबो खामानि मावनाय नडा, जायजों कंग्रेसआ खहा जानो हागौ। बे बोसोन होनायखौ लानानै अशकनि सायाव गोखों फिनजाथाय होनानै केप्टेन अमरिन्दर सिंआ बुंदोंदि, बिबो राजस्थानआव नोजोर हो। मोनसे टिभि सेनेलजों बाश्चा सावरायनाय केप्टेनआ बुडोदि, गहलतआ गावनि राजस्थानखौ सामलाय, जौनि पान्जाबखौ नागर। बिबो आंनि लोगो बिसायख'थियाव

आंगो लोगोजों लोगो हमनानै गोथैवै सावरायदों। जों जौनि जोबोद मोजां मोन्दों गिबि प्राइबेट क्वाट जथुम्मानि सिगांजों आरोबाव साबसिन खालामनो माखासे बिथिंफोरखौ लानानै हास्थायो।

जाय कमिटिया टिकेट होदों, बिबो बेनि मासिगिरिमोन। बिबो जोबोद मोजां सुबुं नाथाय बिबो गावनि जेनाफोरखौ नोजोर होन्नांगौ। कंग्रेसनिया दर 3 ल' राइज्योफोर दंसै। मख'जाथावदि, केप्टेन अमरिन्दर सिंआ मोजां मोनाखै, जाउनाव बिबो गोखों फिनजाथाय होदों। गिबि मन्थि बिबानखौ एंग्लायनायनि उननिफ्रायनो के प्तेन अमरिन्दर सिंआ कंग्रेसनि सायाव गोखों रावजों गाग्लोबदों। बावैसो सिगांआव बिथाडा मोनसे फिन्नाय फोसावनाँ बुंदोंमोनदि, जायखि जाया थासारियाव नबजित सिं सिड्ढुखौ इयुनाव गिबि मन्थि जाहोना नडा आरो बेनि हेंथायै गोखों बिजाथि फसंगोन।

आयुष्मान भारत मुलाम्फा मोनगिरि- फोरनिसिम सौहैगोन सरकारा

गोदान दिल्ली, 24 सेप्टेम्बर: आयुष्मान भारत यजनानि गेजेरजों 3 बोसोरनि गेजेराव आबुडै सुबिदा होनो नाजानायनि गेजेरावबो गासै मुलाम्फा मोनगिरिफोरनिसिम सौहैनाया सरकारनि थाखाय मोनसे चलेन्ज जादों। सरकारनियाव रेकर्ड थानाय बायदिव्ला आथिखालाव 65 कौटिनबो बांसिन मुलाम्फा मोनगिरिफोरा बे यजनानि सिडाव हाबना दं अब्लाबो बैसोरनि 16 कौटि मुलाम्फा मोनगिरिफोरनिसिमल' आयुष्मान कार्ड बानायनो हादों। मिरु सावस्त्रि मन्त्रि मनसुख मान्डबियाआ फेगौ 1 बोसोरनि गेजेराव 100 जौखोन्दो मुलाम्फा मोनगिरिफोरनिसिम आयुष्मान कार्ड बानायनानि थांखि लादों।



गाहाय मन्त्रि नरेन्द्र मदिआ आयुष्मान भारत यजनानि 3 बोसोर आबु जानायनि सायाव बाख्नायदों। रिपर्टनि बायदिव्ला गाहाय मन्त्रि मदिआ गावनि सरकारखौ बाडइ बेसेनजोंनो गोजौ थाखोनि सावस्त्रिनि फाहामथाय होनायनि सायाव बाख्नायदों आरो थांनाय बोसोरफोरव सावस्त्रि सिबिथाय

होनायनि सायाव गोनांथिखौ नोगोरिफोरा हमदांनो हादों। आयुष्मान भारत यजनानि 3 बोसोर आबु जानायव हादतारि सावस्त्रि बिफानआव सावस्त्रिनि सिबिथाय होनायव बे यजनानि गेजेरजों थालांनय जेनानि सायाव सावरायनो थाखाय 3 साननि मोनसे सावरायलायनाय हाबाफारि लादों।

गोदान दिल्ली, 24 सेप्टेम्बर: भारतनि अमन-चेन आरो जम्मु-काश्मीरआव गोजोन थासारि सोमजि होनाया पाकिस्ताननि मेगनाव गोलैगासिनो दड। बिसोर लान्श्रियै उतखारि हान्जाफोर आरो संगालि एजेन्सि आइएसआइनि गेजेरजों भारतखौ दिदोमथि गैयै थासारि सोमजि होनो नाजागासिनो दड। बेनिखायनो आरो खेबसेयै संगालि एजेन्सिफोर फेगौ फुजा फोबोनि बोथोराव हादतआव उतखारिफोरनि सिमा बारनायनिफ्राय थांलाय-फैलायनि सोमोन्दै खौरां मोनो। संगालि एजेन्सिफोरा फोसावनाय एलाटआव बुंनय बायदिव्ला, पाकिस्तानआव थानाय उतखारि हान्जाफोरा आफगान फोलेरनि उतखारिफोरखौ भारतआव हाबनायाव मदत खालामगासिनो दड। बेनि

आफगान उतखारिफोरनि सिमा बारनायनिफ्राय थांलाय-फैलायनि सोमोन्दै खौरां मोनो। संगालि एजेन्सिफोरा फोसावनाय एलाटआव बुंनय बायदिव्ला, पाकिस्तानआव थानाय उतखारि हान्जाफोरा आफगान फोलेरनि उतखारिफोरखौ भारतआव हाबनायाव मदत खालामगासिनो दड। बेनि



सोमोन्दै सासे बिबानगिरिआ फोरमायो, आफगानिस्ताननि खुं थायाव तालिबान फेफिन्नायनि उनाव जों पाकिस्तानआव थानाय उतखारि हान्जाफोरनि मदतजों आफगान उतखारिफोरखौ भारतआव हाबनायनि सोमोन्दै खौरां मोनो। खौरांनि बायदिव्ला, उतखारिफोर हाबफेखोमानायाव पाकिस्ताननि संगालि एजेन्सि आइएसआइफोरा मदत

खालामगासिनो दड। अदेबानि संगालि एजेन्सिफोर मोन्याय खौरांनि बायदिव्ला, एलअसिनि खाथियाव पाकिस्ताननि नक्याल सेक्टरव थानाय गंसे उतखारि केम्पआव हाबफेखोमानो थाखाय आबुडै थियारि जानाय गासै सा 40 उतखारिफोर दड। बे उतखारिफोरनो पुन्ध दै बारनानै भारतआव हाबहोने

ट्रेनि होनाय जादों। बे उतखारिफोरनो ट्युब आरो स्कार्लिनि गेजेरजों दै बारनो थाखाय ट्रेनि होनाय जायो। बे उतखारिफोरा टिफिन बम बानायनायाव आखा-फाखा। बे इनपुटनि सायाव बिथा खालामनानै गासै सोमोन्दो गोनां एजेन्सिफोर राइज्योनि पुलिस बिबानगिरिफोर आरो सान्श्रि हान्जाफोरनो एलाट फोसावनाय जायो।

जम्मु-काश्मीरनि जर'खा बिमुं फोजोबनाय थांखिखौ भारतआ बोखांना लानांगौ: अ आइ सि

गोदान दिल्ली, 24 सेप्टेम्बर: पाकिस्ताननि फुस्लायनायाव फिन खेबसेबाव मुस्लिम हादतफोरनि फसंथान इस्लामिक हेफाजाबयारि फसंथान (अ आइ सि) आ काश्मीरनि आयदाखौ लानानै फिन बाश्ना बुंदों। इड एन महासभानि 76 थि जथुम्मायाव अ आइ सिआ भारतनि जम्मु-काश्मीरनि जर'खा बिमुंखौ फोजोबनाय थांखि लानायखौ बोखांना लाफिन्ना थिनो। फारसेथिं भारतआ अ आइ सिखौ बुडोदि, अ आइ सिआ गावनि जौसांखौ बेनि नख'रारि



केसफोराव मुगैथाव सार्थ गोनां सुबुंफोरखौ बिबुंथि होहोना नाडा। पाकिस्ताननि गुबुन

हादतयारि मावख'नि बादिव्ला, जम्मु-काश्मीरनि सायाव अ आइ सि कन्टेक्ट होनायनि गुबुन

हादतयारि मन्त्रि फोरनि जथुम्मानि उनाव मोनसे जुथाय फोसावदिं खालामदों। बे

जथुम्माया अ आइ सिनि गाहाय नेहाथारिनि दैदेन्यायाव जादोंमोन। पाकिस्ताननि गुबुन हादतयारि मावख'नि बादिव्ला, अ आइ सिनि गुबुन हादतयारि मन्त्रिफोरनि कन्टेक्ट हान्जानि जथुम्मानि उनाव फोसावनाय जुथाय फिन्नायाव बुंदोंदि, भारतआ 5 अगस्ट 2019 आरो बेनि उनाव लानाय गासैबो आइन बेरेखा एबा फारसेथिल' लानाय थांखिफोरखौ बोखांना लाफिन्नांगौ आरो जम्मु काश्मीरआव सुबुं मोन्थायफोरनि आइन बेरेखा खालामनायफोरखौ होबथानांगौ।

एयार मार्शल सन्दीप सिंखौ भारतीय अख्रामा सान्श्रिनि लेडाइ गाहाय बिबानगिरि सायख'बाय

गोदान दिल्ली, 24 सेप्टेम्बर : भारत सरकार एयार मार्शल सन्दीप सिंखौ भारतीय अख्रामा सान्श्रिनि लेडाइ गाहाय बिबानगिरि थिसनबाय। बिथाडा एयार मार्शल बिआर चौधुरीनि जायगायाव बिबान आजावगोन। बिआर चौधुरीया फेगौ 30 सेप्टेम्बरव अख्रामा सान्श्रिनि गाहाय बिबानखौ आजावगोन। बिआर चौधुरीया आथिखालाव भाइस चीफ अफ एयार स्टाफनि बिबाननाव दड। मख'जाथावदि, आथिखालनि अख्रामा गाहाय सान्श्रिनि गाहाय एयार चीफ मार्शल आर के एम भदौरियाआ फेगौ 30 सेप्टेम्बरआव आजिर मोनगोन। बिथानि जायगायाव बिआर चौधुरीया बिबान जाजावगोन आरो फारसेथिं बिथानि जायगायाव सन्दीप सिंआ लेडाइ गाहाय बिबानगिरिनि बिबान



आजावगोन। एयार मार्शल सन्दीप सिंआ आथिखालाव खोला सान्जा एयार कामान्डनि एयार अफिसार कामान्डि इन चीफ। बिथाडा एयार मार्शल सुरेन्द्र कुमारघटियाआ आजिर मोनयनि उनाव थांनय 1 मे खालि बिबान आजावदोंमोन। एयार मार्शल सन्दीप सिंनि जायगायाव एयार मार्शल अमित देबखौ सोनाबयारि एयार

कामान्डिनि चीफ महरै थिसननाय जाबाय। आथिखालाव बिथाडा सान्जायारि एयार कामान्डिनि गाहाय। बेनि अनगायै एयार मार्शल बलभद्र राधा कृष्णखौ चीफ अफ स्टाफ कमिटिनि आफादगिरिनि थाखाय सायख'जानाय रैखाथि स्टाफनि गोदान गाहाय बिबानगिरि थिसननाय जादों।

मिरुआ गामिफोरखौ सार्भे आरो मानसावगारि बोनाय खामानिखौ आबुं खालामनाय थांखिजों गं 200 इन् बायगोन

गोदान दिल्ली, 24 सेप्टेम्बर : मिरु सरकारा स्वामित्व यजनानि गेजेरजों गं 200 इन् बायनो थांखि लायो। सरकारा फेगौ 2024 सिमाव हादतनि 662 लाख गामिफोरखौ सार्भे आरो मानसावगारि बोनायनि हाबाफारिखौ आबुं खालामनो थांखि लायो। भारतआरि सार्भे खालामग्राफोरनि फारसेनिफ्राय बायनो नागिरनाय बे इन्आ गामियारि भारतआव थानाय सम्पतिफोरखौ नायबिजिरनायाव मदत खालामगोन। बेनि सोमोन्दै बिगियान आरो टेक्नलजि बिफानआ थांनय सप्ताहयाव बिथांखि फोसावयो। बे बिथांखिनि बायदिव्ला, प्रफेसनेल सार्भे ग्रेड इडएसि एबा इन्आव ग्लबेल नेभिगेसन सेटेलाइट सिस्टेम (सिएनएसएस), इन्टारनेल मेजारमेन्ट इडनिट (आइएमई)



आरो गासै रोखोमनि जोन्थोर आरो सफ्टवेयारजों लोगोसे आप्टिकेल सेन्सार थानाया गोनां। एवार्डनि बिथोनमा फोसावनायनि उनाव 10 सप्ताहनि गेजेराव बे रोखोमनि गं 200 इडएसि एबा इन्खौ जगायना होगोन। इन्खौ लाबोग्रा जगायना होग्राफोरा 12 मार्चआव नागर जं जाहाज बिफाननि फारसेनिफ्राय

फोसावनाय बिथोन माखौ फालिनांगोन।


मख'नो गोनांदि, गाहाय मन्त्रि नरेन्द्र मदिआ माहारियारि पन्थायती राज दिबसआव 24 एप्रिल खालि गामिफोरखौ नायबिजिरनाय आरो गामियारि ओन्सोलफोराव टेक्नलजिनि गेजेरजों सावगारि बोनाय (स्वामित्व) यजनाखौ

जगायदोंमोन। बेरफारसे थांनय सानफोराव मिरुयारि केबिनेटनि जथुम्मायाव आट आरो इन् सेक्टरनि थाखाय पिएमआइ यजनाखौ गनायथि होनाय जायो। बेनि सोमोन्दै मिरुयारि मन्त्रि अनुराग ठाकुरआ फोरमायदोंमोनदि, सरकारा भारतआव दिहुन्थायनि गोहोफोरखौ बाहायहोने थाखाय आट उद्यग, आट खमपनेन्ट उद्यग आरो इन् इन्डस्ट्रिनि थाखाय प्रडाक्सन लिंकड इन्सेन्टिभ स्कीम लानानै फेयो। बे यजनाआव 26,056 कौटि थिसननाय जादों। हमदांनय बायदिव्ला, 5 बोसोरनि गेजेराव गासै 47,500 कौटि रानि उफ्रा इनभेस्टमेन्ट जागोन आरो गासै 7,60,000 सुबुंफोरनि थाखाय खामानिनि उफ्रा खाबु मोनगोन।

फारसेथिं भारतआ सिगाडावबो रोखा खालामखांबायदि, आर्टिकेल 370 खौ बोखारना होनानै जम्मु-काश्मीरनि जर'खा बिमुंखौ फोजोबना होनाया बेनि सिंनि आयदा। गुबुन हादतयारि मावख'नि बुंथिगिरि अरिंदम बागचीआ थांनय दानाव बुंदोंमोनदि, अ आइ सिआ भारतनि आंगो बाहागो जम्मु-काश्मीरजों सोमोन्दो थानाय आयदाफोराव बाश्ना बुंनयनि जेबो मोन्थाय गेया।

भारतनि अग्नि-V मिसाइलआ आन्जादनि थाखाय आबुडै थियारि जाबाय

गोदान दिल्ली, 24 सेप्टेम्बर: भारतआ गावनि गिबि अग्नि-V खौ टेस्ट खालामनो फुरयैने थियारि जाबाय। 5,000 कि:मि: रेन्ज गोनां बे मिसाइलखौ फेगो दान अक्टबराव आन्जाद नायनो हागौ। बे मिसाइलआ गासैबो एशियानि हादतफोरजों लोगोसे आफ्रिका आरो इउरपनि माखासे बाहागोफोरखौबो थांखिहरनो हायो। रिपर्टनि बायदिव्ला अग्नि-V मिसाइलआ चीननि राजथावनि बेइजिंजों लोगोसे रोजा सुबुं अन्जिमा थानाय ओन्सोलखौबो थांखिहरनो हानाय गोहो दड। मख'जाथावदि, भारतनि अग्नि-V मिसाइलआ 5,000 कि:मि: जान्थायसिम गावहरनो हायो। बेयो आन्जाद नायनायाव मोजाडै जाफुंसारोब्ला भारतआ मोनसे गोहो गोरा गुन्दासा गोहो (मिसाइल) खौ मोन्ने



हासिगोन, जायखौ लानानै चीनआ गिखांदों। रिपर्टनि बादिव्ला चीननि गुबुन हादतयारि मावख'नि बुंथिगिरि

लिजियानआ खौरांगिरिनि सिगाडाव बुंदोंदि, खोला एशियाआव गोजोन, रैखाथि आरो दिदोमथि थासारि

लाखिलांनया बयनिबो हितआव दड। अग्नि-V मिसाइलआ 17 मिटर गोलाव 2 मिटर गुवार आरो 50 टन लिस्थाय दड। बेयो खेबसे थांखिनायावनो गोबां जायगायाव गावहरनो हानाय गोहो दड। अग्नि-V आ भारतनि गिबि आरो मोनसेल' इन्टार कन्टिनेन्टेल बेलिस्टिक मिसाइल। बेखौ डि आर डि अया बानायदों। बेयो खेबसेयैने गोबां हाथियारखौ लानो हायो आरो खेबसेयैने गोबां थांखिफोरखौ थांखिनानै गावहरनो हायो। बेनि गोखैथि मेक 24 एबा बेनि सोदोबनिखुइ 24 गुण गोखैसिन, बेयो से सेकेन्डआव 8.16 किलिमिटर गोजान थाडे आरो बेनाव घन्टसेयाव 94,401 किलिमिटर गोखैथिजों खारलानानै सुथुरखौ गालोबहैने हानाय गोहो दड।

LOST

I have lost my Original Fourth Semester Marksheet of B.Ed. Examination 2020 bearing Roll No, 406BEDI8010 and Registration No, 00469/2018-19 of Bodoland University, Kokrajhar. In case anybody has found it please contact me at the address given below.

Bilifang Brahma
No. 2 Bengtol
Dist.- Chirang,
B.T.R., Assam
(M) 8638243916

LOST

I have lost my original Registration Card No. 17/UP/0859/737963/20, year 2020 SI.No. OR-021756 pertaining to the HSLC Examination of SEBA. In case anybody has found it, please contact me at the following address.

Hadwtsa Borgoyary
S/O : Kanak Lal Bargoyary
Village: Bhabanipur
P.O: Titaguri
Dist: Kokrajhar, B.T.R., Assam
(M) 9435027361

आंगो बिमा

जोनोम होबाय नों जोंखौं बे भुमाव;
फैलाव मिथिंगानि गोजोन बिखायाव;
फोरोंबाय नों गोदै बिमा राव जॉनि खुगायाव;
फेदेरबोबाय-फोलावबोबाय गोबां
सान-हर आखाइ आरो बिखुडव लानानै,
गोबां सान हाद्रिजों गेलेनायनिफ्राय गोजानाव लाखिनानै,
गियान बुद्धि होबाय मिथियैखौं मिथिहोयो,
हारि-माहारि, धोरुम मुगैयाजासे गावजोंगाव अनज्जायनो,
बे भुमाव आलो गोजोन थाना थानो-
बावनो हाया नॉनि दुखु-खस्थ सहायनाय,
फिसाफोरखौ फोथानायनि थाखाय गावखौनो गाव हाबा-हुखायाव
बावसोमनाय,
नॉनि अन्नाय बिलिरनाय गोदै राव बोसोनखौं,
नॉनि अनसुली थार महर मुश्रीखौं,
गोसोखाडो सोलेरनि गोबों इसिडव गासै आखुयै।
नॉनि गियान-बोसोनानो जॉनि गोहो सोलेरनि
नडमोनब्ला जागौमोन जैरेबो राहा मोनै खाना
नुयोब्लाबो जॉनि थाइने मेगना।
आइयै बिमा। नॉनि बे मा एसेबां गोमोथाव बिहोमा!
होबाय नों जोंनो गोजोन-सास्थियै थाना थानो जैरेबो सोरां लामा।
दडु दासिमबो नॉनि बे अनसुली थार महर मुश्रीया,
नॉनि बे गोदै राव गोहो आरो गियान बोसोना,
सोलेरनि गोबों इसिडव मेलेमजों सिथाबनानै-
सोलेरनि गोबों इसिडव मेलेमजों नांथाबनानै।

मृथुनजय दैमारी
गामि- सा दांगारखुटी,

नौनि सावगारि

नौनि गोदै मिनिखैरोयै मिननाय
मिलौहाव रेसुमै देखोनि रायज्जायनाय
आंनि गोसो फेसालियाव
सिमां-मोगथां गोसो अरनाव
नुजाफैयो सना ददेरे
गले गले नौनि सावगारि।
नौनो आंनि गोदै सिमां
थिनाय मिजिनि बेसे आंगो
जिउ फेसालिनि सायखं
गोसो अन्दरनि दरखं
जेराव नौनि अनसुलि महरा
नुजाफैयो आंजों गासै हराव
लुनानै दोन्नाय सनानि देरायाव।
नौनि सावगारि बेसे समायना
आंनि मेगननि नोजेराव बेसे हायना
नौनि अनसुलि आखुआनो बरायबाय
नौनो आंखौं बावनो हायि खालामबाय
सानखि हर गोसो फेसालियाव
नुहां-नुवाहां गोसो अन्दराव
जाखारफैयो खालि नौनि अनसुलि महर
नुजाफैयो जेरावबो नौनि रोखा सावगारि।

मुस्रि जोंसार रामसियारि
फरायसालि-मुसलपुर कलेज
ला:सो:-मुसलपुर
जिला-बागसा बि.टि.ए.सि.

रंजालि गथ' फोरनि सौरा

गोजा गलाब बिबार

फालगुन दाननि जावलिया बाराव।
सानस'नो हायै लाइमोन बैसोआव
गुवार गोसोनि अन्नाय लानानै
मोजां मोन्दोंमोन रजे
आं नोंखौं जेब्ला।
अब्ला, नों आंनि बायराव
देरानि लांगोनायाव बारदोंमोन
सानैसोनि गोजा गलाब बिबार।
दिने बै गोजा गलाब बिबारा बहा ?... ?
नाथाय, नोंदि बै सिखिफोरनि
गेजेरावसो बारहैनानै दं।
आंनि बेसेबा गोजानावसो.।
नों, मोदोम जायाखैथ',
सिखिफोरजों बिदै सोबजानो।
बिबिदिनो, र'जे नोंखौं आ
हास्थायदोंमोन मोकथांआव।
नाथाय नोंदि बावगारलांबाय
अब्लाबो आं नोंखौं गोबोंजों
मोजां मोन्दोंमोन...
जाफुं होनो थाखै....
नाथाय सानाखैमोन नों र'जे
आंनि अन्नायकौ सैथो गोथार होन्ना।
जाउनाव जानांबाय आं दिने
लोगो गोमाजानाय दाउसा माउरिया
बिदिब्ला र'जे बुं बै समनि
अन्नाया बेसेन गैयामोन नामा।
जानो हागौ आंदि गोरोन्थि
खालामबाय बिनि थाखाय नों
आंखौं नेवसिगारनो हागौ।
नाथायय, नोंबो इसेबां गिदिर
समाय लानायखौं गियाखैसै।
ना नों समायखौं फिसा
होन्नानै सासनबाय नामा।
ना फालगुन दाननि थिं थिं
सान्दुं दुंनयाव रानज्रिलांनो
हमबाय नामा बै गोजा
गुलाब बिबारा।

मोदैनि बाना

आंनि मेगननि मोदैखौं सोर हुगारनो,
गैयामोन आंनि थाखाय गोसोआव रावनिबो
अन्नाय आरो गोसो गोरबोजों मोजां मोन्नाय
सान्दोंमोन आंलाइ बुहुमाव उजिनानै
मानसिनि अन्नायखौं मानसियानो मोनगोन होन्नानै
नाथाय माथो मानसिनि अन्नायखौं मानसिया
मोनालासै गुबुन मासे सैमा बांग्रयासो मोनबाय।
आं जेब्ला थाखो डाइनआव फरायदोंमोन
अब्ला आं सासे समायना महरगोसा
सिख्खाखौं मोजां मोन्दोंमोन।
अब्ला आं सिगां खेब अन्नायखौं बिनाव बिदोंमोन
नाथाय, बियो आंनो अन्नायखौं
होदोंमोनबो, आं जेब्ला गोरबो बिखानिफ्राय
अन्नायखौं गोगोमे होदोंमोन अब्ला बियो
बुंदोंमोन आंहा गुबुन सासे दंखायो होन्नानै
अब्ला बियो बुंनयाय लोगो आंनि अनगायै
गुबुन सासे संप्राजों मोजां मोनलाइदोंमोन।
नाथाय बिनि साननायाव आंनि गोरबोया थेर बेथेर
गावसा लाडो बारजों
उरां फारां साननायजों बोदोर बावलि
अब्लानिफ्राय आंनि साननाया
फामोला जायो।

राइदाव कुमार बर

जाबाय आं दुथामि

आंनि जिउनि हाहाहोगिरि
अनजालु आन्जालि, बिफा बिमाफोर
गावसोरनि गोसो गोबोंआव हाजासे,
गोथार मिजिं लानानै दोनहरदोंमोन,
दिने आंखौं टाउन-सह'राव,
स्कूल, कलेज फरायनो।
बुरलु बुरला खालामनानै
गावसोरनि बिखानि थैखौं दै खालामनानै,
हरदोंमोन रोजा रोजा रां
गावनि फिसानि नांगौ बादियै।
नाथाय दिने मोनथिया हासिया,
सह'रनि गुदुं बारजों बारफानानै
गावनि साननाय हनायखौं सोलायाबाय,
बिफा-बिमानि सान-इजोदखौं बावगारबाय।
लिरनाय-फरायनायआबो जाबाय
लैथोनि दै दाहारआव गोजावनाय
खोमस्तिफानफोरा बायदि थॉरिं गैयै।
सानफ्रोमबो सह'रनि ग'लायावल',
जौ, सिगारेट आरो थॉखु सोबै -सोबै
समखौं आं बारहोदोंमोन।
गावनि जौमोननि हाबिलासखौं सानहरनो
सम आरो बोथोरआवो गैला आंहा,
खालिबोल' नांगौ -नांगौ-नांगौ
जौ, जुवा आरो सिगारेट।
गिनाय, लाजिनायआबो गोमा जोबबाय,
लामा सामा सिख्ला सासेबो
बारग'लिया....
हाय! आं मादि मावफोनांखो....
थारैनो जाबाय आंबो सासे दुथामि।

मुस्रि प्रफुल्ल नाजारी।
कक'राझार कलेज।
ला:सो:- डटमा।

इउएसअपिसिआ गोजां बोथोरनि अलिम्पिकआव बाहागो लागोन गेलेगिरि-फोरनिसिम करना भेक्सिन थुजाथारनांगौनि सायाव गोनांथिथार फोसावबाय



होनां थारगोन होन्ना
फोरमायदों लोगोसे
फोरमायनाव फेलें जायोब्ला
टीमनि बाहागोयारि जानाय
नडा होन्नानै बुंथियो। गोजां
बोथोरनि अलिम्पिकआ फेगो
बोसोरनि 4-20 जानुवारीनि
गेजेराव बै जिडाव
खुं'फुं जागोन। 4-13
जानुवारीसिमनि गेजेराव
पेरलिम्पिक मेचआ खुंफुंजागोन।
हारिसायारि अलिम्पिक कमिटिआ
गेलेगिरिफोरनिसिम भेक्सिन
थुजानांगौखौं गोनांथिथार
फोसावयाखै। इउएसअपिसिनि
सिइअ सारा हिसलेन्डआ
दासिमाव माहारि करनानि
गोहोमआ जोबसांनो फैयाखै
होन्नानै बुंनयायजों लोगोसे
गावसोरनि भेक्सिन थुहोनायनि
थांखि लानायनिफ्राय
आमेरिकानि गेलेगिरि आरो
स्टाफनि गेजेराव रैखाथिनि
थासारि फेगोन होन्ना
फोरमायो।□

गोदान दिल्ली, 24 सेप्टेम्बर:
सोलिफु बोसोराव जानाय
टकिय अलिम्पिक आरो
पेरलिम्पिकआव बाहागो लानाय
आमेरिकानि गेलेगिरिफोरनि
थाखाय करना भेक्सिन
लानायखौं गोनांथार
खालामाखैमोनब्लाबो बिसोरखौं
भेक्सिन थुजानांगौनि सुबुरुन
होदोंमोन। बेफोर बायदिनि
जाहोनाव 80 जौखोन्दोनिबो

बांसिन गेलेगिरिफोरा भेक्सिन
थुजायाखैमोन। नाथाय जानो
गोनां गोजां बोथोरनि
अलिम्पिक (उइन्टार
अलिम्पिक) आव भेक्सिन
थुजाथारनांगौनि सायाव
गोनांथिथार फोसावबाय।
इउएसअपिसिआ ट्रेनि मिरु
आरो गुबुन गुबुन थाखोयाव
सुबिदा लानो थाखाय
गेलेगिरिफोरजों लोगोसे

टीमनि सोद्रोमा आरो स्टाफनि
सोद्रोमाफोरखौं फेगो 1
नभेम्बरसिमाव आबुडै नो
करना भेक्सिन
थुजाथारनांगौनि फोसावबाय।
गोजां बोथोरनि गेलेमु
(उइन्टार गेम्स) आव
दिन्थिफुं'नायनि थाखाय
आमेरिकाया गेलेगिरिफोरखौं
फेगो 1 डिसेम्बरसिमाव
भेक्सिन थुजानायनि फोरमान

आइ पि एल 2021 के के आरआ मुम्बाइ इन्डियान्सखौं फेजेना टप-4 आव सौहैनो हायो

गोदान दिल्ली, 24
सेप्टेम्बर: बेनकेटेस आयार
आरो राहुल ट्रिपाथिनि मदतजों
कलकाटा नाइट राइदास'आ
मुम्बाइ इन्डियान्सखौं फेजेनो
हायो आरो फारिलाइयाव ब्रैथि
मासि जायगा आवग्रिनो हायो।
गिबियाव रयेल चेलेन्जार
बेंगालरखौं कलकाटा नाइट
राइदास'आव जोबोद मोजां
गेलेनायनि गेजेरजों 92 रान
लादोंमोन आरो गोरलैयैनो
देरहानो हादोंमोन। जों
मिथियोदि, आइ पि एलआ
लाइमोन गेलेगिरिफोरनि
थाखाय मोनसे मोजां जायगा
जायनि जाहोनाव बेनकेटेस
आयारमोन बायदि सासे
लाइमोननि गेलेगिरिआ गावनि
मोजां गेलेनायखौं दिन्थिफुंनो
हादों। 26 बैसोनि बे
गेलेगिरिया 4 दान सिगां
गेलेनो जायगा



मोनो खै मोनबलाबो
सोलिगासिनो थानाय आइ पि
एल आव गाहाय कचआव
गेलेनो थाखाय जायगा
मोन्दोंमोन आरो गावनि मोजां
गेलेनायखौं दिन्थिफुं'नो
हादोंमोन। बिसोर सानैआ
फारियै 53 आरो 74 रान

रयाल चेलेन्जार बेंगालरनि
हेंथायै 27 बलआव 41 रान
खालामनो हादोंमोन।
बेनकेटेस आयार आरो राहुल
ट्रिपाथि लोगो लानानै मुम्बाइ
इन्डियान्सखौं 7 उइकेटआव
फेजेनो हादों। बिसोर सानैआ
फारियै 53 आरो 74 रान

खालामना गावनि टीमखौं
रैखाथि होनो हादों। आयारआ
गावनि गिबि खेब हाफ
सेन्सुरिखौं 25 बलआवनो
खालामनो हायो, नाथाय
बुमरानि आखाइयाव 53
रानआव आउट जानो गोनां
जायो।□

आइ पि एल बेनकाटेस अयरनि क्रिकेटर जानायाव सौरब गांगुलिनि मैखोम बिफाव दं

गोदान दिल्ली, 24 सेप्टेम्बर:
के के आरआ बेनकाटेस अयरनि
महराव सासे गोदान स्टा
बेट्समेन मोनबाय। आइ पि एल
2021 नि नैथि खोलोबनि
मेचआव के के आरआ अयरखौं
फ्लेइ-XI आव गेलेनो खाबु
होनायाव बिथाडा टीमनिसिम
गोजोनग्लायनाय बायदि गेलेना
दिन्थिफुंनो हादोंमोन। आर सि
बिनि उनाव बेनकाटेसआ
मुम्बाइ इन्डियान्सनि हेंथायै
मोजाडै गेलेना दिन्थिफुंदोंमोन।
मुम्बाइ इन्डियान्सनि हेंथायै
बेनकाटेसआ 53 रान लानो
हानाय मेचनि उनाव गावनि
क्रिकेटर जानायनि आन्दोयाव
सौरब गांगुलिनि गाहाय बिफाव
दं होन्ना फोरमायदों। के के
आरनि जाना बेनकाटेस आरो
राहुल त्रिपाथिनि बेट्समेन जरया
फास्ट बलारनि हेंथायै मोजाडै
बेटिं खालामदोंमोन। आइ पि
एलनि वेबसाइटआव मेचनि
उनाव बिसोर सानैनि गेजेराव
सावरायनाय भिडिय शोयार
खालामदों। भिडिय'आव



बेनकाटेसआ के के आरखौं
गिबि फ्रेंचाइजी टीम होन्ना
फोरमायनायजों लोगोसे सौरब
गांगुलिनि बिहोमायाव गावनि
क्रिकेटर जानायनि जाहोनखौं

फोरमायो आरो के के आरनि
जाना गेलेनो हास्थायनायखौं
बुंथियो। जागायजेनायाव सौरब
गांगुलिआ बे टीमनि केपेनमोन
आरो बे समावनो बिथाडा
टीमआव बाहागोयारि महरै
सायख'जादोंमोन। के के
आरआव जइन्ट जानायाव
बिथाडा गोबां अन्सायनाय
मोन्दोंमोन।□

सलमान खानआ गावनि बयनिखुडबो गोलावसिन सोलिनाय रिलेसनसिपखौ फोरमायदों

मुम्बाइ, 24 सेप्टेम्बर : फावखुंगुर सलमान खाननि जुलि आरो रिलेसनसिपआव सुबुंफोर गोबां गोनांथि होयो। बियो गावनि लाभ लाइफखौ सम सम गावनो लाजिफोनाछे। बिग बस 15 नि स्पेशेल इभेन्टनि समावबो बियो माखासे बेबायदिनो खालामदों। 2010 आव बिग बस सिजेन 4 निफ्राय स्व'खौ हस्ट खालामदों। बिग बसजों लोगोसे बियो 10 बोसोरनिफ्राय बांसिन समखौ हगारहरखांबाय। सलमान खानआ बेखौ गावनि बयनिखुडबो गोलाव रिलेसनसिप होन्नानै फोरमायदों। बिग बस 15 खौ अक्टबरनिफ्राय




जागायसिगोन। बृहस्पतिवारनि मोनाबिलियाव स्पेशेल मिडिया इभेन्टनि समाव सलमान खानआ स्पेशेल भिडियखौ सेयार खालामदों। बे भिडियआव सलमान खानआ बुंदों, बिग बसजों लोगोसे आनि रिलेसनसिपआ जानो हागौ मोनसेल' औरैबायदि रिलेसन, जाय गोलाव सम सोलिदों। माखासे रिलेसनसिपखौ आथिखालाव बुडैआनो मोजां जागोन। नाथाय बिग बसआ आनि जिउआव गोबां समसिम

थि थासाखिखौ लाबोदों। बे बोसोरनि स्व'नि हाग्राबारि हान्जानि सोमोन्दै सलमान खानआ बुंदों, बे सिजेनआ आनो दे'खोखौ गोसोखांहोदों, हर गेजेराव हाग्राबारियाव जागोन। सुलताननि दंगल नड। नाथाय मोनसे आलादा दंगल जागोन। हाग्राबारिआव गासै 250 केमराफोर मोनफ्रोमबो नोजोर लाखिगोन आरो गांसेबो बिलाया मावनो मोन्नाय नड। बे खेबआव बिग बसआ गासै 15 दानसिम सोलिनो हागौ।

गबिन्दानि फिसाज्ला यशबर्धनआ बलीउड डेब्युनि थाखाय थियारि जादों

गोदान दिल्ली, 24 सेप्टेम्बर: बलीउड फावखुंगुर गबिन्दया थारैनो सावथुनफोरनिफ्राय आथिखालआव गोजानाव थादों नाथाय खौराडव माबोरै थानो हायो बे बाश्राखौ बियो मोजाडै मोनथियो। फारसेथिं सशेल मिडियाआव फावखुंगुरनि नुजाथिनाया दोहौ सोमजिहोयोब्ला गुबुन फारसेथिं बियो सम-सम माबेबा नड माबेबा इभेन्ट एबा श्व'फोराव सौहैनानै माखासे एरैबायदि बाश्राफोरखौ बुडै जायखौ सुबुंफोर बिनि सोमोन्दै सावरायालासे थानो हाया। बावैसो समाव



बियो गावनि बिसि सुनीता आहुजाजों लोगोसे कपिल शर्मानि कमेडी श्व'आव नुजाथिफेनानै बेनि फोरमानखौ होदों। बेनि गेजेराव गबिन्दानि फिसाज्ला यशबर्धनआ गावनि डेब्युखौ लानानै खौराडव फेदों, जायखौ बिनि बिमाया मोनसे इन्टरभेउआव बुंथिदों। रिपर्टनि बायदिब्ला सुनीता आहुजाया गावनि फिसाज्ला यशबर्धननि डेब्युआव गोबाव सम नांनयखौ फोरमायदों। सुनीताया गावनि फिन्नाय फिसाज्लानि डेब्युआ दासिमबो थाबथाना थानायनि जाहोनखौ लकडाउन होन्ना फोरमायदों। रिपर्टनि बायदिब्ला सुनीता आहुजाया बुंदोंदि, यशबर्धननि डेब्युआ लकडाउननि जाहोनाव गोबाव जादों। जों बिनि लन्च जानायखौ लानानै माखासे सुबुंफोरजों बाश्रा सावरयदों। जों मोजां प्रडाक्सन हाउस आरो मोजां सल'खौ हास्थायो मानोना बेयो बिनि गिवि सावथुन जागोन। आनि फिसाज्लाया डेब्युनि थाखाय गोबां थियारि खालामदों। बियो गावनि बडी बानायनाय, एक्टिं सोलोनय, मोसानाय आरो गुबुन हाबाफारि मावनायाव नांथाबनानै दड। जों बिखौ थाबैनो लन्च खालामगोन। मख'नो गोनांदि, गबिन्दानि फिसाज्लाया साजिद नाडियावालानि एसिस्टेन्ट डायरेक्टर महैर हाबाफारि मावदों आरो बिखौ डिशुम, किंक-2, तडप बायदि सावथुनफोराव एसिस्ट खालामदों।

गाहाम देहानि राहा

डाइटआव बे मोनबा बेसादफोरखौ लाफायोब्ला खुगानि सिथरफोरनिफ्राय रेहाय मोनगोन

गोदान दिल्ली, 24 सेप्टेम्बर: खुगानि सिथरा उन्दै आरो गेदेर बयनावबो जानो हागौ। बेयो मोनसे सरासनस्त्रा जेना। नाथाय माब्लाबा-माब्लाबा खुगानि सिथरा गोबां खस्थ होनो हागौ। खुगयाव सिथर जानायनि माखासे जाहोन थानो हागौ। उदैया साफा जायैनि जाहोनावबो खुगयाव सिथर जायो। बेराफारसे इमिडनिटिआ लोरखौ जानायनि जाहोनावबो खुगयाव सिथर जानो हागौ। 'बेल' नड देहायाव भिटाभिननि आंखाल जानायनि जाहोनावबो खुगयाव सिथर बेरखानो हागौ। गोबां सुबुंफोर खुगानि सिथर जानायनि जेनाखौ जानगार खालामनो थाखाय मुलि जायो। नाथाय मुलि जायाबालानोबो बे जेनानिफ्राय रेहाय मोन्नो हागौ। अदेबानि माखासे नख'रि राहा आरो डाइटयाव माखासे

बेसादफोरखौ आजावना लाना बे जेनानिफ्राय रेहाय मोन्नो हागौ। 1. गायखेरनि लस्सी: जुदि खुगयाव सिथर जायोब्ला गायखेरनि लस्सीखौ जायोब्ला मोजां मोनो आरो खुगयाव आलौयाबो। मानोना गायखेरनि लस्सीआ गुसु जायो, जाय खुगानि सिथरफोरनिफ्राय रेहाय होनायाव मदत खालामनो हागौ। 2. कमलानि जुस: कमलाखौ भिटाभिन सि आरो गोबां देहोग्रा लावहोग्रा गुणफोरनि फुंखा बुंनय जायो। बेनिखायनो कमलानि जुस लॉनायजों इमिडनिटिया गोखौ जानायजों लोगोसे खुगानि सिथरफोरनिफ्रायबो रेहाय मोन्नो हागौ। 3. बेरे मोदै: बेरे मोदैखौ देहानि थाखाय गोबां गुण गोनां महैर

जायो। बेबायदियाव जुदि खुगयाव सिथरनि जेना जादोंब्ला बेरे मोदैखौ सिथराव फुननांगी आरो जानांगी, बेजों सिथरा मोन्नो हागौ। 4. सुमफ्राम: सुमफ्राम बिलाइ जानाया देहानि थाखाय मुलाम्फा गोनां। सुमफ्रामनि बिलाइफोरा सिथराव रेहाय होनायनि खामानि मावो। बेनि थाखाय सुमफ्रामनि गोरलै-गोरलै बिलाइ लानानै खुगयाव दसे समसिम सावसुबनानै गारनांगी बिजों सिथरा मोजां मोनगोन। 5. फिथाइ: खुगयाव सिथरनि जेनाया सम-सम जाबाय थायोब्ला डाइटआव बिगुर गोनां फिथाइफोरखौ आजावना लाफानांगी मानोना बिगुर गोनां फि थाइफोरा खुगानि सिथरनिफ्राय रेहाय होयो।

केबिसि 13 नि एपिसडआव जेकी श्रफ आरो सुनिल शेडिखौ नुनो मोनगोन



टेलिभिसनआ स्व'नि गोदान प्रमखौ रिलिज खालामदों। बेवहाय जेकि श्रफआ अमिताभ बच्चन आरो बिनि फिसाफोरजों सोमोन्दो गोनां गोमोथाव जाथायखौ फोरमायनाय नुनो मोन्दों। बेयो बै समनि बाश्रा जेब्ला अभिषेक आरो श्वेताआ उन्दै मोन। जेकी श्रफ आ फोरमायदोंदि, बै समाव अमिताभ बच्चनआ चेन्नाइआव सुटिं खालामदों मोन। जेकीआबो इन्डास्ट्रिआव गोदान मोन। सुटिंनि समाव गाव अमिताभ बच्चननि अट'ग्राफ जानो हास्थायदोंमोन आरो बे समावनो गाव अमिताभ बच्चननि स्टाफनि सुबुंफोरखौ गावनि फासै लोगोसे येँ अभिषेक आरो श्वेताजों फेनाय नुनो मोन्दों। बै सुबुंफोरा गावखौ होबथादों मोन। जेकीआ फोरमायबावदों बेबी श्वेता आरो उन्दै अभिषेकआ स्टाफजों लोगोसे फेदों आरो स्टाफनि सुबुंआ बुंदों, बिसोरो बच्चन सारनि फिसाफोर, नोंथांनय अट'ग्राफ लानो हास्थायदों। बेनि उनाव आं बुंदों सार आंनो बच्चन सारनि अट'ग्राफनांगीमोन।

मुम्बाइ, 24 सेप्टेम्बर : केबिसि 13 नि शुकृ बारनि एपिसडआव बे खेबआव जेकि श्रफ आरो सुनिल शेडिआ स्पेशेल आलासि जादों। बे समाव गासैबो फावगिरिफोरा लोगोसेये गोजाम सानफोरखौ गोसोखांदों। जेकि श्रफआ फोरमायदोंदि, सानसेखालि गाव अमिताभ बच्चननि अट'ग्राफ लानो नागिरदोंमोन। गाव बिग बीनि इन्टरभेउ लानो आवगयबोनाय लोगो लोगोनो लामायावनो गावखौ अमिताभ बच्चन श्वेता बच्चन आरो

इन्टारनेसनेल एमी एवार्ड 2021 आव सुष्मिता सेननि 'आर्या, नवाजउद्दिन सिद्दीकनि सिरियास मेनआबो नमिनेसन मोन्दों

गोदान दिल्ली, 24 सेप्टेम्बर: फावखुंगुर सुष्मिता सेनआ इन्टारनेसनेल एमी एवार्ड 2021 आव दोहौ गोनाडै एन्ट्री जादों। 10 बोसोरनि उनाव पदांयाव सुष्मिताखौ गावनि क्राइम ड्रामा सिरिज 'आर्या'नि थाखाय नमिनेट खालामनाय जादों। सुष्मिताया 'आर्या'जों थांनय बोसोरावनो अटिटि प्लेटफर्म आव डेब्यु खालामदोंमोन। फावखुंगुरिखौ बिनि मोजां दिन्थिफुनायनि थाखाय बाखनायनायबो जादों। सुष्मिताया बे सिरिजनि थाखाय माखासे एवार्डखौ गावनि मुं खालामदोंमोन आरो गावनि जादुआ दासिमबो सोलियो होन्ना फोरमान खालामदों।



इन्टारनेसनेल एमी एवार्डआव इन्टारनेसनेल ड्रामा 'आर्या'खौ नमिनेट

सिरिजआव भारतनिफ्राय खालामनाय जादों। सुष्मिता सेनआ गावनो बेनि खौरांखौ

सशेल मिडियाआव होदों। बे मोजां खौरांखौ फेन्सफोरजों लोगोसे शेयार खालामनानै सुष्मिताया लिरदों 'भारत टीम 'आर्या'नो गाहाम हामलायथिखौ जासिहरबाय।' फारसेथिं बे बोसोरनि एमी एवार्डनि थाखाय फावखुंगुर नवाजउद्दिन सिद्दीकखौबो नेटफ्लिक्स सावथुन सिरियास मेननि बेस्ट फावखुंगुर के टेगरीआव नमिनेट खालामनाय जादों। नवाजउद्दिननि अनगयै बे के टेगरीआव ब्रिटिश स्टार डेभिड टेनेन्ट (डेस) जों लोगोसे इन्डाइलनि फावखुंगुर रय निक (नर्मली) आरो कलम्बियानि क्रिश्चियन ट्यपन (एल र'ब' डेल सिग्ल' एबा दा ग्रेट हिस्ट) आबो दड।

रश्मि रकेटनि ट्रेलारआ रिलिज जाबाय

मुम्बाइ, 24 सेप्टेम्बर : बलिउड फावखुंगुर तापसी पानुआ गावनि मोजां एक्टिंनि थाखाय मोनथिजायो। तापसी पानुखौ थाबैनो सावथुन रश्मि रकेटआ नुनो मोनगोन। सावथुननि पयटरआ बावैसो समाव रिलिज जादोंमोन। जायनि उनाव आथिखालाव सावथुननि ट्रेलारआबो रिलिज जाबाय। जाय गोखैये ससियेल मिडियाआव भाइरेल जादों। रश्मि रकेटआ मोनसे फिसा गामिनि सासे लाइमोन आइजोनि सोमोन्दै जागोन, जायखौ मोनसे बाश्राजों सन्मान होदों। बियो सासे फोथाय जाथाये गोखौ लाइमोन, जाय जोबथा



लाइनखौ बावरनो सिमां नुयो। गावनि सिमांखौ फुरा खालामनो दावबायनायाव बियो थाबैनो मोनथियोदि जोबथा लाइननि दावबायनाया माखासे होबथानायजों बुंफबनाय जायखौ मोनसे एथेलिकिट बादायलायनाय बायदि नुनो

मोन्दों। बियो सन्मान आरो गावनि सिनायथिनि थाखाय सुबुंथिनि महैर दावहायाव सोलायो। रश्मि रकेटनि ट्रेलार डायलग, गोसोनि मोन्दाथिनाय आरो तापसी पानुनि फावजों लोगोसे ड्रामाजों बुंफबनाय जादों।

एकटिभि लाभ स्कूलनि बादायारि जाखानाय जगनुर अनेजाया रुंसारि जाबाय

गोदान दिल्ली, 24 सेप्टेम्बर : एन्टरटेनमेन्ट इन्डास्ट्रिनि फासै थांनय माखासे सानफोरा माखासे दुखुनांथाव खौरांफोरा सोराडव फेदों जाय सुबुंफोरनि गोसोखौ बायहोदों। आथिखालाव सिद्धार्थ शुक्लानि रुंसारि जानायखौ रावबो बावनो हायाखैमोन। बेनि गेजेरावबो आरोबाव सासे फावखुंगुरनि रुंसारि जानाय खौराड सोराडव फेदों। मख'नो गोनांदि, फावखुंगुर आरो मडेलार जगनुर अनेजाया रुंसारि जाबाय। जगनुर अनेजाया मिस्त्रआव बेरायनो थाखाय थादोंमोन। जेराव बियो रुंसारि जादों। एमटिभि लाभ स्कूलनि मुंदांखा जगनुर अनेजाया सासे मडेलार आरो गुमिं एक्सपार्टमोन। बियो माखासे सान सिगांसो मिस्त्रआव बेरायनो थाखाय थादोंमोन। जायनिफ्राय जगनुरआ गावनि माखासे सावगारिफोर आरो भिडियफोरखौ फेन्सफोरजों लोगोसे सेयार खालामदोंमोन। नाथाय बेनि गेजेरावनो बिनि रुंसारि जानायनि खौराडा



साफ्रोमखौबो गोसो होदों। जगनुरआ हार्ट एटकनि जाहोनाव उन्दै बैसोआवनो रुंसारि जादों। जगनुरआ नै सान सिगां गावनि मोनसे भिडियखौ सेयार खालामदोंमोन। बे भिडियआव जगनुरआ पिरामिडनि सिगाडव रंजानाय नुनो मोन्दोंमोन। भिडियखौ सेयार खालामनानै बियो केप्सनआव लिरदोंमोन। मोनसे सिमाड थार जाबाय, जेब्ला आं गीजानि मोजां पिरामिडफोरखौ नुदों। आनि बकेट फारिलाइआव मोनसे साननाया फुरा जाबाय। बे

भिडियखौ नुनानै रावबो जगनुरआ जॉनि गेजेराव गोनां होन्नानै सान्नो हाया। जगनुरनि गोबां लोगोफोर आरो हास्थायगिरिफोर बिनि आत्मानि गोजोन सान्थिनि थाखाय आर'ज गाबदों। मख'नो गोनांदि, जगनुर अनेजाया टेलिभिसन रियेलिटि श्व' एमटिभिनाव स्कूलनि बादायारि जाखानाय। जगनुरआ बेवहाय गावनि एक्स गार्लफ्रेन्डजों लोगोसे सोमोन्दोखौ मोजां खालामनो थाखाय फेदोंमोन।

दावहा जोबनायखौ आथिखालाव फोसावनाय नडा : सा करिया

गोदान दिल्ली, 24 सेप्टेम्बर : सा करियाआ बुंदोंदि, 1950-53 नि दावहाखौ फोजोबनायनि फोसावनाय खोला करियानि हाखा-दावरा लानाय थंखि। सा करियाआव खोला करियाजों दावहाखौ फोजोबनाय होना नै गनायना लानो खावलायनायखौ नेवसिगारदों। बियो बुंदोंदि, सा करियानि हेंथायै गाग्लोबनाय नेमखाथिखौ दोनखोमानो सान्नाय आमेरिकानि फावफान्दायनायबो जानो हागौ। इउएन महासभायाव बे सप्ताहयाव होनाय गावनि बोसोरारि बिबुंधियाव खोला करियानि हादतगिरि मुन जाए-इनआ दावहा फोजोबनायखौ फोसावना होनो खावलायनाय बाध्राखौ फिन मख 'दोंमोन। बिथाडा बुंदोंमोनदि, बे थंखिजों एटमाइजेसनखौ होबथानाय



आरो करियानि द्वीप हान्जायाव अरायथा गोजोन गायसनायाव मदत मोनो हागौ। सा करियानि लेखइ गुबुन हादतयारि मन्थि रीथाएसंआ मुननि खावलायनायखौ नेवसिगारना नै बुंदोंदि, जेब्लासिम आमेरिकानि नेमखाथिया सोलाया बेबादि खालामनायखौ हरखाबै थंखि लानाय जागोन। रीआ बुंदों, बेखौ रोखायैनो बुजिना

लानांगोनदि, बे समा दावहा फोजोबनायनि फोसावनायखौ दिदोमथियाव लाबोनो फसंनो मदत मोननाय नडा। अदेबानि आमेरिकानि गाग्लोबनाय नेमखाथिफोरखौ दोनखोमानो थाखाय बेखौ आयेन बेरेखायै बाहायनो हागौ। सा करियानि थान्दैया बुंदोंदि, आमेरिकानि हाथियार आरो मन्थिफोरा आथिखालावबो खोला करिया

आरो बेनि खाथि खालायाव थिसनजानाय दड आरो आमेरिकाया बे ओन्सोलाव नेमखाथि बादियै दावहानि हुदा खालामो। जाय बेखौ दिन्थियोदि सा करियानि फासं बेनि गाग्लोबनाय आखुआ सानफा एबा बांसिन जाबोगासिनो। करियानि दावहाया 1950-53 नि गेजेराव सा आरो खोला करियानि गेजेराव जादोंमोन। मख 'जाथावदि, बे दावहाया गोजोन सावरायलायनि गेजेरजों जोबलाडाखैमोन, बेखौ दावहा दोन्थ 'नायनि सायाव बिथा खालामनाय होबथानाय जादोंमोन। बेनिखायनो टेक्नीकनि सायाव बिथा खालामनाय दरनैबो हादतआ दासिमबो दावहाखौ दोन्थ 'नाय हादत जाना दड।

मदि आरो बाइडेननि लोगो हमनायाव चीनआ जिंगायाव गोग्लैदों

गोदान दिल्ली, 24 सेप्टेम्बर : गाहाय मन्थि नरेन्द्र मदिआ आमेरिकायाव दावबायहैदों। आथिखालाव भारतआव जौगाखां हादतफोरनि बाहागो जाखांबाय। अदेबानि रैखाथि परिषदनि सोद्रोमाफोराबो भारतनि बाध्राखौ गोथौयै लानायजों लोगोसे बेखौ फालिनो नाजागासिनोबो दड। आबहावा सोलायनाय, बयनोबो खम बेसेनाव भेक्सिन मोनहोनाय निखाउरिफोरनो मदत होनायजों लोगोसे आइजोफोरनो गोहो होनाय आरो उतखारि बायदि गोबां आयदाफोरनि सायाव भारतनि सुबुरुआ गोबां बाखायथाव। आमेरिकानि बे दावबायनायाव मदिनि क्वाड हादतफोरनि लोगो हमनायाबो रोखा। जर 'खायै भारतआव क्वाड हेफाजाबगिरिफोरजों



लोगोसे टु-प्लास-टुनि सावरायनायखौ सिगाडावनो खालामखांबाय। 2021 नि

थानाय 12 मार्चआव क्वाड हादतफोरनि भाचुएल जथुमाया जाखांबाय। दावबायनायनि जोबथा सानाव मदिआ वासिंनफ्राय नियकनि फासंनफ्राय रैना होगोन जेराव इउएनि गिदिर सुबुं गौमाखौ सोमोन्दो लाखिगोन। गुबुन हादतयारि मन्थि एस जयशंकरआ इउएन गिदिर सुबुं गौमायाव तुर्कनि गेजेरजों काश्मीर आयदाखौ दिखानायनि सायाव गोखों फिन्नाय होयो।

सोलायनाय थासारिनि सायाव बिसोरनि आखुया मा? बेयाव रोखा खालामोदि, भारतआ आथिखालाव मुलुगनि जौसाडाव उदाडै बाध्रा रायज्नायो। बेबायदियाव क्वाडजों लोगोसे गोबां हादतफोरजों भारतनि सावरायनाया हादत जौगाखांनयनि अनगायैबो मुलुगयारि जौगाखांनयावबो बोलो होगोन। खोला एसियाआव गोजोन सोमजिहोनाया भारतनि गेजेरजोंनो जानानै फेंदों। बेरफासं चीनआ मदिनि आरो बाइडेननि लोगो हमनायजों जिंगायाव गोलैनांदों होन्नानै सुलुडव फोरमायनाय जादों।

माखासे साननि गेजेरावनो गं 56 सांस्थियारि उरां जाहाजफोरनि 20000 कौटिनि राहाया जोबथा महर मोनो हासिगौ



गोदान दिल्ली, 24 सेप्टेम्बर : रैखाथि बिफानआ अखांमा सांस्थिनि एवर-748 उरां जाहाजफोरनि जायगायाव गं 56 सि-295 उरां जाहाज बायनो थाखाय गासै 20,000 कौटि रानि एयारबास टाटा रादायखौ फेंगौ माखासे सानफोरनि गेजेराव जोबथा महर होनो हासिगौ होन्नानै सुलुनिफ्राय मिथिनो मोननाय जादों। रैखाथि बिथिनि मन्थि आफाद कमितिआ गोलाव समनिफ्राय थाबथानानै थाय बे बायनायखौ सप्ताहनै सिगां गनायथि होदोंमोन। बे रादायनि गेजेरजों मुंसायनायनि 48 दाननि गेजेराव स्पेननि एयारबास डिफेन्स एन्ड स्पेसनि गेजेरजों उरायनायनि थासारियाव थानाय गं 16 उरां जाहाजफोरखौ मोनहोनाय जागोन। बेनि सोमोन्दै बिबानगिरिफोरा बुंनय बायदिब्ला, जरखायै गं 40 उरां जाहाजफोर बानायनायखौ भारतआव एयारबास डिफेन्स एन्ड स्पेस आरो टाटा एडभान्सड सिस्टेम्स लिमिटेड (टिएएसएल) नि गेजेरजों जुथायै रादायनि सायाव मुंसाइनायनि 19 बोसोरनि गेजेराव खालामनाय जागोन। सि-205 एम डब्लिउ उरां जाहाजआ 5-10 टन गोहो थानाय उरां जाहाज बियो गिबि बिथांखि जेराव गंसे गावयारि कम्पानीनि गेजेरजों भारतआव सांस्थियारि उरां जाहाजखौ बानायनाय जागोन।

कभिड-19 नि थाखाय गोदान एन्टीभाइरेल मुलिआ फैसिगोन

गोदान दिल्ली, 24 सेप्टेम्बर: भेक्सिनफोर गोहोमआ गोनांब्लाबो जोंनो कभिड-19 नि फाहामथाय लानो थाखाय मुलिफोरनि गोनांथार दं। बेजों लोगोसेनो भेक्सिननि नैथि इपुखौ लानाय सुबुंफोराबो इनफेक्सननि बेंखनथायाव फैनयनि एसे सन्देह दं आरो बिसोरो गेजेर थाखोनि एबा गोब्राबै बेरामाव गोलैनो हागौ। कभिड-19 नि फाहामथाय लानो थाखाय मुलिफोर दड, नाथाय बिसोरखौ देहा फाहामसालियाव हसनांगो जायो। बेरामआव बानजायजाथाव जॉनि मोनसे मल्लुपिरावरि मुनि एन्टी भाइरेल मुलि दड, जायखौ सुबुंफोरनि सायाव बाहायनो जोबथा थाखोनि आन्जाद नायनाय जागासिनो दड। संदानगिरिफोरा आसा खालामनायदोंदि, बेखौ इनफेक्सननि फाहामथाय होनाय आरो होबथानायाव बाहायनो हागोन। सुबुंफोरा बेखौ लानो थाखाय देहा फाहामसालियाव थिसनजानो गोनां जानाय नला। बे मुलिआ सार्श सीअवी 2 नि गोहोखौ खम खालामो, जाय करना भाइरासनि थाखाय गोहोम गोनां भाइरास।

चीनआ ताइवाननि फारसे गं 19 दावहारु उरां जाहाज दैथाय हरदों

बेइजिं, 24 सेप्टेम्बर: चीनआ लांस्थियै ताइवाननो गावनि गोहोखौ दिन्थिनाने बिसोरखौ गिहोनो नाजागासिनो दड। थानाय बृहस्पतिवारखालिबो चीनआ आरोबाव ताइवाननि अखांमा ओन्सोलआव हाबखोमायो। बिसोर ताइवाननि फारसे गावसोरनि गं 19 दावहारु उरां जाहाजफोरखौ दैथाय हरो। बेनि सिगां स्वशासित द्वीपआ फोसावदोंमोनदि, बिसोरनि थंखिया सा 11 सोद्रोमायारि प्रशान्त फालांगि हान्जायाव हाबफानाय, जेराव बाहागो लानो थाखाय चीनआबो आर'ज गावदों। ताइवाननि रैखाथि बिफानआ मोनसे बिबुंधियाव फोस्मायनाय बायदिब्ला, द्वीपआ चीननि उरां जाहाजफोरनि हाबाफारियाव अखांमा सांस्थि हान्जाफोरखौ थिसन्दों। चीननि उरां जाहाजफोरनि हाबाफारियाव



अखांमा सांस्थि हान्जाफोरखौ थिसन्दों। चीननि उरां जाहाजफोरनि गेजेराव 12 जे-16 आरो गंनै जे-11 एबा बम गावग्रा आरो गंसे पानडुबी होबथाग्रा उरां जाहाजबो दंफायोमोन। चीनआ बे बोसोरव सानफ्रेमबो गावसोरनि दावहारु उरां जाहाजफोरखौ ताइवाननि फारसे दैथाय

हरगासिनो दड। मख 'नो गोनांदि, ताइवान आरो चीनआ थानाय 1949 आव नख'र दावहानि समाव आलादा जादोंमोन। नाथाय चीनआ ताइवानखौ गावसोरनि बाहागो होन्ना दावि दैखाडो आरो हारिमायारि फसंथानफोराव ताइवाननि बाहागो लानायखौ हेंथा होयो। चीननि

इटालीआबो भारतयारि करना होबथाग्रा भेक्सिन कभिशील्डखौ गनायथि होबाय

गोदान दिल्ली, 24 सेप्टेम्बर : भारतयारि करना होबथाग्रा भेक्सिन कभिशील्डखौ इटालीआबो गनायथि होबाय। सावसि मन्थि मनसुख मन्डाबिया आरो इटालीनि बिथांजों समान दैदनगिरि र्वाट स्पेराञ्जानि गेजेराव गुबुन हादतयारि बिफाननि लांस्थियै नाजानायजों लोगोसे मोनसे जथुमानि गेजेरजों इटालीआ भारतनि कभिशील्डखौ गनायथि होयो। इटालीयाव भारतयारि थान्दै मावख'आ फोस्मायनाय बायदिब्ला बावयैसो समनि गेजेरावनो ब्रिटेइन्आबो कभिशील्डनो गनायथि होयो। ब्रिटेइन्आ थानाय बुधबारखालि करना होबथाग्रा भेक्सिन कभिशील्डखौ गावनि आपडेटआव हारिमायारि दावबायारि बिथोनमाफोराव सोफादेरबाय। आथिखालाव भारतआरि दावबायारिफोरा दासिमबो ब्रिटेइन्आव सौहेनाया 10 सान क्वारेन्टाइनआव थानांगोन। अदेबानि बेनि गाहाय



आयदाया कभिशील्ड भेक्सिन नडा। बबेखानि भारतआव कभिनि एपनि गेजेरजों भेक्सिननि फोरमानसो। बे आयदाखौ बोसांनो थाखाय दरनै हादतफोर सावरायगासिनो दड। सुलुडव फोरमायनाय बायदिब्ला ब्रिटेइन् दावबायनायनि सोमोन्दै आथिखालाव गोजा, गोमो आरो गोथां गाबनि मोनथाम आलादा आलादा फारिलाइफोर दड। करना अलखद बायदियै आलादा आलादा हादतफोरखौ आलादा आलादा 'फारिलाइयाव लाखिनाय जादों। 4 अक्टबरनिफ्राय गासै फारिलाइखौ गोरोब होनाय जागोन आरो खालि गोजा

फारिलाइयाल' आद्रा थगोन। गोजा फारिलाइयाव थानाय हादतफोरनि दावबायारिफोरा ब्रिटेइन् दावबायनायाव होबथानायजों मोगा मोगि खालामनां गोन। बेराफासं भारतआ दासिमबो गोमो फारिलाइयाव दड। 4 अक्टबरनिफ्राय फोसावनो गोनां बिथोनफोराव कभिशील्डखौ गनायथि होयाखैमोन। नाथाय थानाय बुधबारखालि फोसावनाय आपडेट बिथोनाव बुंनय बायदिब्ला, एस्ट्राजेनेका, कभिशील्ड, एस्ट्राजेनेका भेक्सजेबरिया आरो माडर्न टाकोडा बायदि मोनब्रै भेक्सिनखौ मोननाय भेक्सिन महै फारिलाइयाव दिखंबाय।

भारतआव आबादारिफोरा सोमावसारनायनि बागै गाहाय मन्थि मदिजों सावरायनो राकेश टिकैटआ ज' बाइडेनखौ खावलायहरदों

गोदान दिल्ली, 24 सेप्टेम्बर : आबादारि दैदनगिरि राकेश टिकैटआ ज' बाइडेनखौ हेग खालामना टुइट खालामहोदि जाहाथे भारतआ जागासिनो थानाय आबादारि सोमावसारनायखौ लानानै गाहाय मन्थि मदिजों बेनि बागै सावरायलायो। पिएम मदिजों सावरायलाय समाव जाहाथे आबादारिफोरनि जेनाखौ



नोजेराव लाखियो। राकेश टिकैटआ टुइट खालामोबायोदि, भारतनि आबादारिफोरा नरेन्द्र मदि लाबोनाय मोन 3 आबादारि आयेननि हेंथायै सोमावसार

गासिनो दड। थानाय 11 दाननि सोमावसारनायाव 700 निबो बांसिन आबादारिफोरा जिउ खोमालांबाय। जौखौ रैखाथि होनो थाखाय नोंथाडा बे आयेनखौ फोजोबनो थाखाय थंखि लानांगोन। अनानै नरेन्द्र मदिजों लोगो हमनाय समाव जाहाथे जॉनि जेना गोनां फासं गोसो होयो बेनो आंनि

बासैलनाया कादिसनि बेरेखायै ला-लिगआव ड्र' गेलेदों

बासैलना, 24 सेप्टेम्बर: सोलिगासिनो थानाय ला-लिग फुटबल बादायलायनायाव बासैलनानि गेलेनाया गाजिनिफ्राय गाजि जानो हमबोगासिनो दड, जाहोनाव कादिसनि बेरेखायैबो गल सोनो हायैनि थाखाय ड्र' जानो गोनां जायो। मख 'जाथावदि, लियनेल मेसिआ बासैलनानिफ्राय पि एस जि क्लाबआव थानाय समनिफ्रायनो बासैलना क्लाबनि लोरबां गेलेनायखौ नुनो मोन्दों। बासैलनानि बे लोरबां गेलेनाया मेनेजार रनाल्ड कमेनखौ दुखु मोननाय आरो सान्ना गोनां थासारियाव लाबोदों।



बासैलनानि गेलेगिरि जेशर पिक्केआ बुडोदि, जों बासैलनानि गरलाखौ नैथि एबा थामथि जायगा आवग्रिनो थाखाय गानाखे अदेबानि सिगां एबा सेथि मासि आवग्रिनो

खायसो गान्दों। जॉनि गेलेनाया दासान्दि लोरबां सोलिगासिनो दडब्लाबो आंहा फोथायनाय दड, उननि समफोयव जोडो देरहा लानो हागोन।

बासैलनाया, कादिसनि बेरेखायै ड्र' गेलेनायनि जाहोनाव 9 पइन्ट लानानै 7 थिआव जायगा आवग्रिनो हायो, जेराव रियेल मेड्रिडआ 16 पइन्टनि गेजेरजों 1 थि मासियाव दड। बासैलनाया गावनि लोरबां गेलेगिरिफोरनि थाखाय मोनसेनि उनाव मोनसे गेलेनायाव पइन्ट खोमाना लानो गोनां जादों।

मेनचेस्टर इउनाइटेडआ लिग कापनिफ्राय बाइजोयाव थानाबाय

गोदान दिल्ली, 24 सेप्टेम्बर: 2017 माइथार्यनि उनाव लिग कापनि ट्रिफिखौ फिन खेबसेबाव देरहाबावनो नाजानायनिफ्राय मेनचेस्टर इउनाइटेडआ जानगाराव थानाबाय। थामथि राउन्डआव मेनचेस्टर इउनाइटेडआ 0-1 गलआव बेस्ट हेमजौ जेनाडो। बे गेलेनायाव क्रिस्टियान रनाल्ड, पाल पग्ब आरो रफेल बरानेआ माखासे गोनांथार खामानिनि थाखाय गेलेनो हायाखैमोन, जायनि थाखाय मेनचेस्टर इउनाइटेडआ जेनांगौ जायो। थानाय सप्ताहनि रबिबारआव क्रिस्टियान रनाल्ड, पाल पग्बामोननि गेलेफानायाव मेनचेस्टर इउनाइटेडआ इंग्लिस प्रेमियार लीगआव 2-1 गलआव देरहानो हादोंमोन। लिग कापनि बे गोनांथार गेलेनायाव मेनेजार अलेगनर सोल्साकजेरआ रनाल्ड, पाल पग्बा मोनबादि मोजां गेलेगिरिफोरखौ गिबि सारियाव गेलेहोयैनि थाखाय जेनो गोनां जादोंमोन होना सानो हायो। मे नचे स् ट च र इउनाइटेडनि वर्ल्ड ट्रेफर्डआव जानाय बे गेलेनायाव गिबि हाफआव जेडान सांच, लिंगार्ड मोनबायदि गेलेगिरिया मोजाडै गेलेना दिन्थिफुंनोमोनब्लाबो वेस्ट हेमनि मेनुएल लंजिनीआ मेनचेस्टर इउनाइटेडनि डिफेन्डरनि गोखौ नाजानायखौ फेलें खालामना गल सोनो



हायो। उननि समाव मेनचेस्टर इउनाइटेडनि गेलेगिरिफोरा गल सोनो नाजादोंब्लाबो बेस्ट हेमनि मोजां गेलेनायाव गल सोनो हायाखै जायो आरो लिग कापनि जानगाराव थानाडो। ब्रैथि राउन्डआव बेस्टहेमआ मेनचेस्टर सिटिनि बेरेखायै गेलेगोन। बेनि अनगायैबो चेल्सीआ एस्टन बिलाखौ पेनाल्टी शूटआउटआव 4-3 गलआव फेजेन्नानै ब्रैथि राउन्डआव जायगा आवग्रिनो हायो। ब्रैथि राउन्डआव चेल्सीआ साउथैस्टन हेंथायै गेलेगोन। आर्सेनलआ उइम्बलडनखौ 3-0 गलआव फेजेन्नो आरो ब्रैथि राउन्डआव लिडसनि बेरेखायै गेलेगोन।

मार्क एसेनसियनि हेट्रिक आरो करोम बेंजेमनि 2 गल सोनायनि गेजेरजौ रियेल मेड्रिडआव स्पेनिसनि लीग ला मालाकाखौ 6-1 गलआव फेजेन्नो हायो। बेनि गेजेरजौ मोन 6 गेलेनायाव 16 पइन्ट मोनानै फारिलाइआ सेथि मासि आवग्रिनो हायो। बेजेमाआ थामथि आरो 78 मिनटआव गल सोनायनि गेजेरजौ गावनि 8 थि गलआव सौहैयो। एसनसियआ फारियै 24,29,55 मिनटआव गल सोनो हादोंमोन। जुवेन्टास ने मइज कीन, फेडरिको चीसा आरो मैथियास डि लिटनि गल सोनायजौ स्पेजियाखौ 3-2 गलआव फेजेन्नो हायो।

कीनआ 28 मिनटआव गल जोसन्तो हादोंमोनब्लाबो स्पेजियायनि इमैनुएल गियासीआ 33 मिनटआव गल जोसन्ना समान-समान खालामफिनो हायो। बेनि उनाव यानिस एन्डिस्तेआ 44 मिनटआव स्पेजियाखौ गल जोसन्ना दावखो होदोंमोनब्लाबो चीसाआ 66 मिनटआव आरो 72 मिनटआव मैथियासआ गल जोसन्ना देरहानायखौ रोखा खालामनो हायो। खेब 5 गेलेनायाव बेयो जुवेन्टासनि गिबि देरहानाय आरो बेजौ लोगोसे फारिलाइआव 5 पइन्ट लानानै 12 थि मासि आवग्रिनो हायो।

3 मेचनि नैथि वान्डे सिरिजआव भारतीय आइजो टीमआ अस्ट्रेलियानि हेंथायै मोजाडै गेलेना दिन्थिफुंनो नाजागोन

गोदान दिल्ली, 24 सेप्टेम्बर: गिबि वान्डे मेचआव जेन्नायजौ मोगा-मोगि जानानाय भारतीय आइजो क्रिकेट टीमआ अस्ट्रेलियानि 25 मेच देरहानायनि अभियानखौ दबथायनानै 3 मेचनि गिबि सिरिजनि गासै मेचआव देरहानायनि थांखिजौ मोजाडै दिन्थिफुंनो नाजागोन। भारतआ गोखौ बेटसमेन महै सेफालि बर्मा आरो स्मृति मन्थनानिफ्राय गोबां रान लाखिगोननि आसा खालामदों। थानाय मेचआव बिसोर सानैया मोजाडै गेलेना दिन्थिफुंनोनाय फेलें जादोंमोन आरो सा 9 उइकेट खोमानायजौ अलआउट जादोंमोन। सेफालि आरो स्मृतिनाव बेरेखा टीमनि दिन्थिफुंनोनायखौ दबथायनो हानाय गुणफोरा दं आरो बिसोर सानैया सिगांनि मेचआव मोजाडै दिन्थिफुंनोनाय बेरेखा टीमनि एलिस पैरि आरो डार्लि ब्राउननि दिन्थिफुंनोनायखौ गावसोरनिफ्राय मोजांसिनै दिन्थिफुंनो हानायनि रंगौथि गैया होना फोरमान होनागोन। पैरि आरो ब्राउनआ हुदा खालामनाय मेचावबो मोजाडै दिन्थिफुंनो हादोंमोन। ब्राउनआ 6 आभारसिमावनो सेफालि आरो स्मृतिखौ पबेलियनआव धिनहरनो हादोंमोन। बिथामोननि उनावनो टीमनि गेलेगिरिफोरा आद्रा थानाय मेचआव बलारफोरनि हेंथायै



गोखौडै बेटि खालामनायनि सोलाय मेचखौ लाखिलां नायावसो गोसो होथाबदोंमोन। बिथामोननि अनगायैबो गोखौडै बेटि खालामग्राफोरनिफ्राय सासे नड सासे बेटसमेनआ मोजाडै दिन्थिफुंनोनायगोननि गोनांथि दं। केप्टेन मितालि रजनि दैदेनाय टीमनि मेडेल अरडारनि बेटि खालामग्राफोरा देरहानायनि थाखाय रन जरायनायाव गोसो होनागोननि गोनांथि जागोन। मुंदांखा बेटसमेन हरमनप्रित कौरआ आसियाव जोखोम जानायनि थाखाय सिगांनि मेचआवबो बाहागो लानो हायाखै। टीमआव बिथानि बाहागोयारि जाफिन्नायाव मिडिल अर्डांराव आवगायनायनि गोहो मोनगोन।

टीमआव दिपति शर्मानि मोजाडै दिन्थिफुंनोनायगोननि गोनांथि दं। आगसि आखायनि बेटसमेन (21 बोसोर) मास्तिका भाटिया थानाय मेचआवबो मेचखौ हमथानानै मोजाडै गेलेना

दिन्थिफुंनो हादोंमोन। मुलुगनि फास्ट बलारनि बलाव 35 रान लाखिनो हानाय बिथामोननि गोनां 3 खेब मेचनि सिरिजआव फिन मोजाडै गेलेना दिन्थिफुंनो गोहो होगोन।

उदांश्री काप प्राइजमानी जोलुर बादायनाय: बडइगाव नाइन बुलेट एफसिआ फाइनालाव

बाक्सा, 24 सेप्टेम्बर: बाक्सा जिल्लानि भारत-भुटान सिमना सेरनि सुबनखाटा गोजौ फरायसालिनि गेलेग्रा फोथाराव थानाय 10 सेप्टेम्बरनिफ्राय नर्थ-इष्ट क्लाब, सुबनखाटानि बान्जायनायाव सोलिबाय थानाय उदांश्री काप प्राइजमानी जोलुर गेलेनाय बादायनायनि दिनेनि जोबथि सेमिफाइनालआव बडइगाव नाइन बुलेट एफसिआ चामता आन्सलिक स्पर्टस क्लाबखौ 4-0 गलाव फेजेन्नानै फाइनालाव हाबनो हायो। मेचनि गिबि समनिफ्रायनो मोननैबो हान्जाखौ गोबां नारा-नाथा जुजिलायनायखौ नुनो मोननाय जादोंमोन। बबेखानि



मेचनि गिबि हाफआव बडइगाव नाइन बुलेट एफसिआ चामता आन्सलिक स्पर्टस क्लाबखौ 1-1 गल सोनानै हान्जाखौ देरहानाय फासै दावगाहोयो। बबेखानि नैथि हाफआव बडइगाव नाइन बुलेटआ फिन चामता आन्सलिक स्पर्टस

क्लाबखौ 3 गल सोबावनानै फाइनालाव हाबहैनो हाबाय। गाबोननि जोबथि थामहिनबा फाइनाल मेचखौ गेलेगोन बडइगाव नाइन बुलेट एफसि आरो बरमा इउनाइटेड एफसिआ। बबेखानि गाबोननि जोबथि मेचआव जोलुर

अन्सायगिरि राइजो-रजाफोरखौ लैहोर लैहोर फैनानै फाइनाल मेच बादायलायनायखौ नायफैनानै हाबाफारिखौ जाफुं'होफेनो थाखाय गेलेमु सामलाइगिरि नर्थ-इष्ट क्लाबआ खवलायहरदों।

रजार फेडरारआ लेबार कापनि सायाव गोथौ मोजां मोननाय दड

गोदान दिल्ली, 24 सेप्टेम्बर: रजार फेडरारआ जे ब्लायाबो टेनिसनि फारायसा। 20 बोसोरनि सिगां फेडरारआ टेनिस गेलेनायनि फासै मिथिजेन्नो नाजादोंमोन, टेनिसखौ माबोरै गेलेयो, टेनिसनि मुंदांखा गेलेगिरिफोरनि मुं आरो माबोरै देरहानो हायो बेनि सायाव हमादोंनो हादोंमोन। फेडरारनि टेनिस गेलेनाया, रद' लेबारनि टेनिस गेलेनायजौ गोरोबनायनि गेजेराव बुनो हायोदि, फेडरारनि गेलेनायनि गेजेरजौ जौ रद' लेबार, जाय बिथाड



सासे मुंदांखा टेनिस गेलेगिरिफोरनि, बिथामोन, गोसोखानो हायो। 2017 माइथायाव रजार फेडरारआ लेबार काप गेलेनाय बादायलायनायाव रांखास्थि मदत होदोंमोन, जे राव बुहुमनि टप-6 टेनिस

गेलेगिरिफोरा इउरपनि टप-6 गेलेगिरिफोरनि गेजेराव बादायलायनाय जायो। बिथाड बुंबावोदि, जौनि गेलेनायाव गोदोनि मुंदांखा गेलेगिरिफोरखौ मदत होनो रंबोयाखै आरो बिसोरनि मुंखो खोमाना लानो गोनां

जादों। गुबुन गेलेनाय जेरे गल्फ, बिसोर गेलेनायाव गोदोनि मुंदांखा गेलेगिरिफोरखौ जायगा होनो रंबोदों। रजार फेडरारआ गावनि आर्थिआव जोखोम जानायनि थाखाय इउ एस अपेननिफ्राय जानगाराव थानांसिगोन बेखौ मिथिहोयो। फेडरार आरो बिन लोगो टनि गडसिकआ सिगां समनिफ्रायनो लेबार कापखौ जौगाखां होनो थाखाय मोजां खामानि मावबोगासिनो दड आरो गोदोनि मुंदांखा टेनिस गेलेगिरिफोरखौ मुंफोरखौ खोमाया लासेनो लाखिबाय थागोन होन्नानै बुडो।

टुरिजिम बिफान
आसाम सरकार

27 सेप्टेम्बरआव खुनो गोनां
मुलुगनां दावबायथाय सान 2021 जौं
लोब्बा लाखिबानै टुरिजिम बिफान आभ्रामआ

26 सेप्टेम्बरआव खुनो लादों
साइकेलजौं पबितरासिम

हातिमुरानि साखाथिनि कास्वशिलाजौं नांजाबनानै थानाय बुर्लुबुथुर आरो पकरिया दैमाया ज' जाहैनाय थावनियाव जेब्लायबो नुनो मोननाय डलफिनखौ गुवारै फोसावनाय आरो सैरेखाथिनि थाखाय सुबुं सांग्रांथिनि मोनसे नाजानाय।

बे साइकेल दावबायनायखौ फिरफिला बिरहोनानै जागायगोन मुस्त्रि बिमल बरा बिथाड, मानगोनां मन्थ्रि, टुरिजिम, गेलेमु आरो लाइमोन अन्साय, हारिसु, गोहो बिफान आसाम।

रबिबार, 26 सेप्टेम्बर, 6 रिंगा
दिधलि पुखुरिनिफ्राय पबितरासिम

बयखौबो खर' गंग्लायै हांखायनाय जाबाय

WORLD TOURISM DAY 2021
TOURISM FOR INCLUSIVE GROWTH

Janasanyog /D/6350/21